



· 09669

升菴先生文集卷第十八

成都楊慎著

從子有仁編輯

後學趙開美校正
高安陳邦瞻重校
江陽王蓋臣全校
內江蕭如松

五言律詩

採藥

危蹬捫蘿上，名山採藥遊。
木條刊落鴈，籬葢剪牽牛。
簡子紅仍艷，長卿翠欲流。
三花聊永夕，一葉莫驚秋。

暑夕

工跳昭侯蚤，翮飛露女蚊。
青蒲眠不穩，白羽揮徒勤。

楊升菴文集

卷十八

南浦生涼月，西郊聚密雲。
星橋歸思逼，力疾坐宵分。

松韶關吊孫松山中丞

京兆推孫寶，郇瑕得智瑩。
才教烽火靜，已見謗書盈。
夢斷瓊瑰水，魂歸貫索城。
故山聞笛處，松壑動悲聲。

閏春廿日夢在金沙寺與劉珥江及三際禪侶

清話覺後因記之并寄珥江

錦水白蘋渚，金沙青豆房。
名僧偕梵志，才子共劉郎。

覺路花非染，靈山草亦香。
碧雲羣別夢，忽寤在江陽。

桐花

甲戌年作追錄于此

曲水惠風輕，桐華正吐英。
枝條引晨露，世說清露晨
流新桐初引

門巷近清明剪剪寒應盡霏霏雪不驚啄花天鳳小
又見綠陰成

苦熱

溽暑蒸潤土火雲燒遠空閉戶類螺蚌解衣真裸蟲
枕石無涼氣揮扇亦炎風引脰望西颢金伏何時終

贈高白坪方伯

稅駕辭薇省披林構草堂虛舟分雪浪泰宇發天光
芹藻金籬外芝蘭玉砌傍丹丘何必問此是白雲鄉

江陽秋熱八月作

四序重開夏

俗言天下三伏廬州六伏

三炎未解威心遲水雪節

楊升菴文集

卷十一

二

體想芰荷衣靈籟無清吹嵐光滅翠微闐風與玄圃
羽翼詎能飛

六月八日第四雛生用韻答二韓表弟

適甫述甫

茅舍亦懸弧欣看第四雛自憐牛舐犢誰謂蚌生珠
娛老堪提抱成人任魯愚多情二表弟良夜待傾壺

少宇宋公夕飲行臺

涼雨淨紛埃華筵向晚開疎星臨紫宙新月照烏臺
麗句高難和玄言聽未回諄謝傾蓋意無奈別旌催

又具詠繩橋

追錄

度索尋橦國升猱飲欻形俯窺愁淨綠仰睇失空青

雨過苔緇溼風來簷霧腥天將限夷夏何用罪坤靈
元宵宿北岩開公房

昏醉依蓮社宵談衍葛藤雲僧標指月天女步然燈
桑下經三宿蒲團了一乘何須分垢淨持此問南能

王母瑤池圖壽李右川毋張太安人乾州永壽人

仙鄉名永壽仙李卽蟠桃衫服晨趨數瑤池夕晏高
遐齡還再閱恩詔見重褒笙鶴三天下雲中聽響璈

哭徐用先

子卿還絕漠賈誼返長沙共喜天才定俄驚日已斜
頽峰縈九折逝水繞三巴掛劍應無地飛蓬慘淚笳

楊升菴文集卷十八

西施詠

張禹山云絕似太白

美人出南國名字號西施鸞舞隔烟霧魚驚沉網絲
輕盈羞燕尾窈窕妬蛾眉一入吳宮去姑蘇麋鹿時

戊戌除夕贈紫經徐尹

今夕知何夕明朝是歲朝雪封嵐氣淨雲護嶺天遙
楊柳驚橫吹梅花起麗譙故人新酒熟儲興款春宵

辛丑新正

貴竹逢新歲寂寥空館時泉聲爲滴漏原燒作晨曦
野戍擊柝早山衙開印遲春盤羅鬼菜凍體欲流澌

來報豚兒生志喜一首

魚札報堂瑯犀兵走阿幢弧懸金雀幔花燦玉蟲紅
老蚌寧嘲晚明珠訝許雙歸來梨棗熟笑傲倚陶窻
寄中麓李伯華

中麓何山隱青丘太岳東藏書伴宛委問道卽崆峒
鸞鶴烟雲駕烏蟾日月籠相求天路迫惟許谷神通

秋風引

霜凜街蘆急秋深懸炭輕感策吹籬響熠燿僚皆明
盧女流黃色班姬擣素聲誰教明月引翻作苦寒行
星回之夕夢一美丈夫自稱宋玉謂余曰公獨
無詩贈我乎夢中作一首四句覺後續之

楊升菴文集

卷十八

四

文藻三閭並幽懷九辯知雲爲巫峽賦雪作郢中詞
茅屋還遺址蘭臺異昔時鴻裁誰獵艷空自拾江蘼
夏雨

微涼生細雨半夜似新秋玉軫琴絲緩金爐香氣浮
簷花濺碎滴地鏡俯清流東閣多閒暇西池好倡酬

夜次寧郭

風急毳裘輕關河向晚程星從鴉背出月傍馬頭生
雪店懸燈影寒譙送角聲鄉園知日遠夜夜夢瑤京

下連山

一辭青瑣直長望碧山阿鄉樹雲中出京塵馬上多

釣航依水竹精舍入烟蘿春色催歸興風光待嘯歌
春夜望月

今夜南樓月中天北望矚星河分宇縣鍾漏隔京華
露砌光含竹春江影泛花留連竭樽蟻潦倒待城鴉
梓潼道中

小市孤烟起平岡落日斜素林驚夕鳥錦石戴寒花
悵別關河晚憑高眺望矚上亭今夜月流影夢還家
早發解州

旅宿先鴉起歸心與鴈爭冰霜殘臘路花柳上春城
隱士嘲西笑騷人感北征勞生應物理奔走愧虛名

楊升菴文集

卷十八

五

夕泊江陵

西陵白雪晴南浦綠波生海燕先春至沙禽恒夜驚
竹房燈下市花舫月中筆且醉桑郎酒休傷萍客情
乙酉元日新添館中喜晴

白日臨元歲玄雲放曉晴城窺水壑迥樓射雪峰明
客鯉何時到賓鴻昨夜驚離心似芳草處處逐春生
西使後期東尹舜弼

綠蟻離觴困青驪首路淹江臯遲白日嶽麓近朱炎
別夢春猶隔勞歌夜未厭刀頭詎可問飛鏡轉纖纖

琉璃河

碧水琉璃淨朱橋牛斗新風花回曲岸春樹隱平津
清夢繞江汜佳遊限洛濱肯停飛蓋影未洗化衣塵

孟津 二首

檣櫓橫移岸樓臺背枕河飛甍臨積水懸雷下洪波
蛟避荆飛刺龍驚女激歌自憐非估客風浪飽經過

又

河曲風烟古天涯旅望深津樓環日淑碣石帶雲岑
竹箭春添溜蒲帆暝逗陰岷源千萬里何處是江潯

問津青橋

閣道盤雲棧郵亭枕水涯猿猱臨客路雞犬隔仙家

楊升菴文集

卷十八

六

風起青丘樹春迷玉洞花

玉溪云
真唐句

旅懷今日豁停憶

問衰斜

錦城夕

錦波澄霽色丹樓生晚輝江光二流暝橋影七星稀
猶明叔度火未息文君機南陌駮駢度東城鍾漏微

玉溪云初
唐氣格

九日遂寧縣郭西登高

烟霞萬里開鴻鴈幾行來

玉溪云登
高自見

江近飛鳥國山

高戲馬臺霜華沾旅服霞影落仙杯坐惜佳辰晚斜

春未擬回

玉溪云
有此景

遊靈泉寺此地有席司諫讀書處感懷興禱一首

司諫幽栖此地空門歲月深泉臺埋玉樹靈境闕仙音
逝水與三三歎遊山廢九吟風微何寂寞松栢自蕭森

帝里繁華歇神臯歲月多玉溪云二句用事精到秦城依北斗

渭水象天河頽堞無遺土驚川有逝波丘陵沉霸氣

松栢起悲歌玉溪云千古之感激

硤石道文古前三宋景濂詩無歇田題

石壕環陝驛澗水帶嶠關東望封泥谷南連積甲山

秦輪無隻返趙壁有雙還陳跡虛無裏荒臺蔓草間

楊升菴文集卷十八

由山云用

層臺驛

陡坡千百磴破店兩三家濕竈薪無焰磽田飯有沙

瘦兵宵泣血猛虎晝磨牙行路難如此羈愁一倍加

箬口關

箬口關何險山頭路更賒凌兢磨旋蟻屈曲陣蟠蛇

官舍惟孤舍人家無一家客心何處切夕照閃歸鴉

觀刈稻紀諺二首

平章門外路散策喜涼天雨漲青蛙水秋成白鶴田

林塘聞牧笛墟里起炊烟欲問滄洲趣滄洲趣不傳

東西又
田父邀予說秋成此歲多草頭占月暈米價問天河
樂土寧無味豐年亦有歌惟愁軍餉急松茂正干戈
雲隱林中
燕坐洗塵顏風林久未還衆流爭湫浦羣瀨欲聾山
鳴蛩楊陰靜飛蠅檜影閒晚來空翠濕似覺雨斑斑
宿龍宇寺
二妙此招攜雙林狎遁棲禪僧香霧窟蕉子青雲梯
寶樹颺埃淨曇花色相迷有爲應笑法詩句續燈題
送張惟信冊封唐邸因歸省母

楊升菴文集

卷十八

鳴玉遙持節分珪重剪桐驕驕開蜀道蟋蟀采唐風
稅駕雲山外迴船月峽東還將南陔什一奏北堂中
高曉臥疾喜簡西嚮至自滇城

隔戶聞來屐移燈坐對牀澄心披樂霰點髻訝吳霜
便欲開棋局還思減藥囊天涯故人少且願駐飛航
永寧諸賢送至魚鳧關

遠送魚鳧外離情柰若何今晨岐路泣昨夜燭房歌

西上滇雲影東流瀟水波生還如有日相伴老漁簑

寒夕

七十一行成稿

東西垂老別前後苦寒行旅髮年年禿羈魂夜夜驚

春鉏胸內貯石闕口中生讀書有今日曷不早躬耕
畢節簡蔡席二廣文

鶉衣褰凍身荒館夜難晨冷榻誰相伴寒爐獨可親
途窮千慮失天遠四愁新夢裏兒童戲醒來倍愴神

瓦店潭塗峻嶺

古木千章合飛翼六出齊馬行冰上滑人向霧中迷
屐齒穿空石昆蹄陷弱泥幾時辭梗泛垂釣隱桃溪

再會東晦

癸卯歲

南來復北去暫會又離羣投館日卓午緩程春正分
楊園花勝雪雉堞粉如雲白首猶行役勞勞愧隱君

楊升菴文集

卷十八

九

三會東晦

金醴醉連宵瓊枝別此朝折梅臨埃館結桂佇河橋
燕笑風前斷驪歌雲外飄青山有明月愁影轉蕭蕭
臘八日與墨池野酌遲丘月渚

散步謫仙橋嚴寒酒易消雲容將變朔風信已鳴條
只爲朋從好渾忘旅寓遙清吟遲月渚剪燭永今宵

升菴先生文集卷第十九

成都楊慎著

從子 有仁編輯

後學趙開美校正
高安陳邦瞻重校

內江蕭如松
江陽王藩臣 全校

五言律詩

正月二日觀社

滇海曾觀社重來歲月更江山依舊麗耳目幸猶明
袂服兼村雅香醪雜濁清杜陵詩句在久客惜人情

發安寧

悠悠戎旅情甲鼉泪吾征征馬諳舊路飛鴻戴前旌

楊升菴文集

卷十九

倭遲此周道來往非夷庚東君憐衰朽假我以新晴

正月十一日宿祿豐寄丘月渚楊溪山張見梅

楊墨池

客星無定影驚鵲又遷枝避地仍多阻還家未有期

東橋花月夜南浦蕙風時攜手難同賞勞歌寄所思

與李葵之段憲卿夜飲

旅寓逢新歲芳隣聚此宵梅花普賢寺楊柳謫仙橋

又醉雙文酒休歌獨酌謠并州故鄉地渾忘路迢迢

留別安寧滇城諸友

二首

垂老西來日天涯此會稀馬啼聲特特鴈陣影飛飛

南海情偏厚東坡語未非海莊岑寂地車轍滿荆華

又

垂老東還日天涯此別稀關山歸馬地江水釣魚磯
秉燭情何盡啣杯淚欲揮相思幸相問處處有鴻飛
廣心樓小酌憶張禹山

久客高曉上登樓眺望雲連呈貢雨花接晉寧春
蘇李詩偏盛陳雷意氣真不逢劉會孟誰識兩仙人
劉義亭訪予高堯宿毛氏萃芳園夕歸

坐對仙巒暝歸防竹徑幽玄亭雖寂寞清話且淹留
晝足揮毫興宵添秉燭遊遊仙何必賦卽此是丹丘

楊升菴文集

卷十九

五月二日太華寺會效韓昌黎

雨後來更好山水有清音紫霞池上酌白雪丘中琴
悟以千佛偈因之九仙吟聞鍾發深省颺爾灑塵襟
宿積翠巖

曉色動香塵天風雜梵聲雞鳴關樹白龍卧海波清
湘浦行捐佩滄浪坐濯纓思歸還引望懷古若爲情
遊玉案山寶珠寺

名山已發興空宇復離羣開樓見西海出岫指南雲
泉華玉雷接風籟紫宵聞前朝一片石金薤剝苔文

酬金秀才

編浙江武康人

伏枕抱疾日閉關餘春時欣聞空谷音適與中林期
清風麗蘭藻零雨坐茅茨翻然不可見悠哉寄遐思
鳥撒喜晴

易見黃河清難逢鳥撒晴陰霾既已豁險道况復平
蜀日杳千里滇雲惟十程江花與江草異國看春生
大理春市因憶李仁甫

海國櫻桃市春山蘭蕙遊青絲盤騾裹紅頰醉扶留
狼荒金莫辨鮫宮珠暗投佳人耿天末因之問阻修
大華寺卽事

舊雨高堯上新晴太華中松門燈山靄蘭渚鏡文虹
楊升菴文集卷十九

鍾動烟花紫燈然暝色葱山僧多養馬疑是古支公
大相公嶺

九折刺史坂七擒丞相橋沉黎漢原古嚴道蜀關遙
策馬冰槽滑乘橇雪潭消我行再經此感慨一長誼
招劉善充

戎旅九塞上暫歸如夢中雙江碧雲合九橋明月同
搖心渺天末攜手期城東佇立永今夕銀蠟粲銅缸
送毛東鎮往臨安

縹縹碧雞使蕭蕭斑馬羣
水弩含沙影天鷲墜火雲歸音期蟋蟀莫待海花紛

魚鳧關讌別趙龍巖僉憲

有美臺中彥懷予別思長薄雲隨馬首落日送漁梁
野燎山多黑江秋荻已黃搖搖愁轉旆寧用訴華觴
北橋離席留別趙州諸子

漂泊猶戎旅羈栖且歲年又傷南浦別重醉北橋邊
烟樹環江滸風花簇野筵鄉心那可問愁思繞離絃
馬敬臣

北關承恩譴南荒作旅人可堪同瘴癘猶自隔音塵
鶴嶺霏烟外螻川積水濱三年不相見兩地各傷神
空宇澄新霽殊方報早秋涼風天末樹明月海邊樓

楊升菴文集

卷十九

四

塞草封歸望湘蘭喚別愁來章三復罷對酒不能酬
苔楊從龍給事

仙居深紫府旅望渺蒼波五夜勞鳧夢三年阻嘯歌
雲心陶令遠秋興杜陵多魚浦南風便龍關一羽過

感通寺

嶽麓蒼山半波濤黑水分傳燈留聖製演梵聽華云
壁古仙苔見泉香瑞草聞花宮三十六一一遠人羣

寺有僧無極者洪武中首率僧衆歸附朝京御製
十六詩送之還詩云衆僧經通佛旨語善華云華

云革
言也

次張大理文柔別後見寄韻

二首

四牡何時發，雙魚此日將。別離驚草綠，衰謝感芸黃。
澤畔風霜勁，天涯歲月忙。款襟難借問，濡跡但相望。
垂老雲南戍，逢君海上州。桂招非小隱，萍泛是同流。
江漢詢幽側，關山慰阻脩。欲酬平子贈，空有畔牢愁。
歐雪水邊梅影，千首闕于問字。於謝晉山定京鑿寒

玉宇暖微霄，瑤華擢秀翹。具官浮藻景，魚浪淨蘭橈。

珮冷漢臯橘，珠明河上蕭。不逢南雪唱，空倚北風誥。

李白題詩寺文簫寫韻樓海光浮樹杪山翠滴牀頭

熱想寒泉濯春曾煖谷遊暝鐘蘿月下清夢一相求

楊升菴文集

卷十九

五

燕賦謝楊肅菴都諫惠筆

彤管分青瑣瓊緘到紫巖草玄疲執戟花夢老江淹

嶰谷籜龍健寒官桂兔犬無因白雪唱空擬碧雲瞻

鳳令亭前引水名曰墨池

金潭朝洗菊玉甃暖滋蘭何如玄趾水分作墨池瀾

烟雲生凡席星斗宿闌干問字休攜酒仙家沆瀣寒

玉戴過石樁村訪唐河東刺史王仁求碑

唐代河東守周朝聖曆時土花封綠字石髮被金碑

泣露麟猶臥嘶風馬自悲荒原誰過問郡乘不曾知

鳴蟻古河東川原勢亦雄城荒吊華納山遠問蔥蒙

玉筍埋天祿銀鈎剝畫蟲閭丘名姓在鄉衣仰清風

玫瑰花

庭際玫瑰樹含芳當坐隅春盤紅瑪瑙曉帳紫珊瑚
風信翻霞錦天香綴露珠仙壺春醞好留着醉麻姑

玫瑰花入
酒尤佳

竹戶

竹戶少塵埃濃陰鬱不開靜聞清露墜涼送好風來
鳥下彈瓊粉蟲行篆紫苔無人共欣賞坐嘯獨悠哉
海籟 卽對田也浮於水中東西往來

芳洲隱蘋末詩埒寄蘆中上下隨春水東西逐夜風

楊升菴文集

卷十九

六

浮家還泛宅斷梗復飄蓬感物傷羈思生涯愧海翁

出塞

地名六朝體也

烽火照甘泉刁斗出祁連錦車衝鳥穴翠氍毹度雞田
高柳分斜月長榆合遠天交河水正結心斷玉門前

詠霜

天駟粲寒芒青腰騁素粧珠簾銀蒜白金井碧梧黃
漢署宵鐘徹胡庭曉角長豐貂無暖色坐待燭龍光

滇池泛舟見新鴈

忽見行行鴈來應自故鄉天涯多少路雲際幾番霜
瀟水饒葭菼禹山足稻梁金河爾休戀無限虜絃張

中元夕望開福寺塔燈

窰堵高千丈，然燈達五更。剛風吹不滅，甘露洗還明。
龍燭真堪並，蛾飛不敢驚。夔升何矯捷，應見闍婆城。

詠琵琶

迴窻映華表，連環繫錦絛。桃葉雙鬟小，楓香一調高。
牛羊上青塚，狐兔沒黃蒿。留宿芳夜促，且欲醉蒲桃。

春江曲

時女翫春翹，新梅發遠條。風香隨步步，雲彩艷朝朝。
悵望迷晴浦，音書候晚潮。玉輪江上水，心斷木蘭橈。

折楊柳

楊升菴文集

卷十九

七

白雪新年盡，東風昨夜驚。芳菲隨處滿，楊柳最多情。
染作春衣色，吹爲玉笛聲。何千里，只贈一枝行。

雨

蟬咽枝頭露，鳩搏樹杪風。窻意足，葉葉雨聲雄。
案對燈花喜，宵分簾色融。不知何水部，吟斷滴堦中。

青橋驛

鐵壁千秋雪，冰崖萬壑雷。人家比星散，鳥道入雲回。
旅寓山河隔，鄉心日夜催。客行春又夏，不見提書來。

渡黑龍江時連雨水漲竟日乃濟

飛鷁朝暾霽，停驂午漏分。客心隨水急，人語隔江聞。

雨過添清氣風生愛穀紋中流歸棹穩歧望石來羣
憶用敘弟

阿弟遠行役一年無定居勞勞恒念爾寂寂正愁予
日月攀芳樹雲霄隔素書燕南池草綠應好賦歸歟

詞祝鳴和錦江泛舟

名鑿

八月茅花水諸天桂子風追涼琪樹底擊汰錦亭東
人境囂塵隔仙曹逸興同城樓鍾欲動斜照帶微紅
遊中崑寺

高閣諸天近長江客路分帆開山吐月鍾動水連雲
漁唱通宵起樵音隔浦聞佛香渾不斷散作南岩薰

楊升菴文集

卷十九

八

次胡孝思中崑韻

翠微連寶地青靄壓雲堤俯瞰行人小平瞻遠樹齊
振衣淹暮屐迴棹聽寒輦雨歇楓林靜荒雞尚未啼
候朝簡王舜卿

文華接武英鳳吹應雞鳴月晃牙牌字風傳玉珮聲
天香飄左掖宮漏隔西清不是班行迥焉知夙夜情

桔栢渡

在昭化縣東二里

桔栢古時渡江流今宛然名存巴國志詩有杜陵篇
鳴鷓衝烟散鵲囂抱日眠分留餘物色朗詠惜高賢

重過華清宮

繡嶺仙人閣華清玉女湯山川猶氣象臺殿久荒涼
暖水生烟霧寒松受雪霜碑文無歲月螭首卧牛羊
臨晉道中

茅店昏烟集榆鄉燎火開宵征何太急
暝望忽相催月樹羣鴉散霜橋列騎回
解城聞漏點星宿滿梅臺
七夕憶遠

離人惜離景星聚又星分
雙津烏鵲候三山鸞鶴羣
錦江澄夕浪玉臺生曉雲
山途何湫湫愁思極紛紛
送王維賢吉士出知廣德州

朱方新出守玉署早知名
邦域周千里文章漢二京

楊升菴文集

卷十九

九

从皇天北顧鴻鴈暮南征
清賞何由共瓊枝別後情

周彥通侍御秋齋二首

北斗臨茅宇西山出蕙樓
涼風吹玉樹明月下金丘
歌對梧桐語辭因叢桂
留高人
耽吏隱不是采真遊
鳳皇巢扈閣蟋蟀在西堂
廬是承明地園非避世墻
清琴宵弄月白簡晝飛霜
采采籬邊橘相期重晚芳

齋房春夕

青雲臨鹿苑煥景入虹梁
燕坐諸天近齋心五夜長
塵埃徐孺榻燈火贄公房
隱隱聞清漏迢迢出建章

酬郭司業

元歲天齊裡新陽月令逢僧房聯下榻仙珮待鳴鐘
雲會連枝比宵分隱几慵同心成坐隔回首是行蹤
送余懋忠

河上冰猶合關山鴈未回君行阻舟楫征馬犯塵埃
天遠驚離袂春寒入勸盃江東碧雲外日暮獨悠哉

春雪

南雪轉東風千門四望同愛穿珠箔透愁點玉堦融
竹覆玲瓏葉梅殘綽約叢夕窓還暎白蠟炬更添紅
春雨

春雨掩柴扉勾芒方尚微潤通瓜蔓水寒透木錦衣

楊升菴文集

十九

十

大澤龍蛇遠

鳥雀稀山翁多甲子杖屨候芳菲

惟信未曉

至古店回詩見寄次韻

井轄虛投夜河橋暝發時明星將夙駕重露欲沾帷
南浦蘼蕪合東門楊柳垂回風飄錦字空谷寄遐思
清源樓觀漲

二首

潢潦飛欄外洪波古堞前山收玄豹雨江展白虹天
牛馬迷昏谷魚龍失故淵樵人歸太晚隔浦認炊烟
雲色含山色濤聲撼樹聲枯槎何處下怒浪幾時平
還鷁昏相失飛鳥晚對鳴如何誇海若猶自託莊生

寒

天籟調寒吹神爐煉曉霜稍驚綿力薄還訝葉聲長
畫戟歸邊將青綾直省郎誰論萍氏禁須問麴生方
千秋梅天郊晚

連日黃梅雨鼃聲積漸多豐年無赤地平野似銀河
園篠涼生葉堤檉水沒柯半村斜照裡收釣晒漁蓑
寒食見梨花

寒食村藏寺晴光水見沙老僧閑貝葉邀客看梨花
塵外冰壺瑩風前玉樹斜洗粧猶待雨春態倚雲霞
寒霄月色

明月流寒影低欄復轉廊雪霜留澹白參昴伴昏黃
楊升菴文集卷十九

野徑多樵笛江村有釣航不教烏鵲定直待燭龍光
寄許玉林

吾憐喜玉林道氣夙齡深懸車未華髮解佩晏清襟
山水歸與興琴樽靜者心紫芳行可覲丹竈擬同尋
誦袁永之

書自陽朔寄來○袁名榮

書到滇陰日封題陽朔春同心雖異縣未面已通神
駿發高岑後鴻裁擘壽新

永之近著
皇明獻實

伊予嗟暮臺顛

子揆天宸

寒夕

壁月寒生暈銀河凍欲冰簷花穿霧淞窓紙戰風幾

桂火噓難熖蘭膏坐自凝
新梅如姹女粧束待晨興
震淞木冰也着樹玲瓏如花諺云霜淞打霰淞貧兒備飯糶

送朱叅政良矩還金華

朱名方

仙人無白髮何事早歸山
東海文鯨逝南雲倦鳥還
竹林同晉逸芝嶺異商顏
明月和清夢隨君度雪關
秋夕高曉早起

獨向高曉宿遙聞水寺鐘
踈燈青耿壁斜月翠沉峯
星點螢穿竹潮音鶴舞松
明湖開曉鏡倒影木芙蓉
村曉

水寺霜鍾起山樓曉堞迷
長庚配殘月斜漢界晴霓
楊升菴文集卷十九

十二

大吠聲如豹蝮喧聽似雞
老懷渾不寐遙夕又新題
寄王雲巢

紅塵厭市廛白首伴雲眠
巢父元無地壺公別有天
北山迴俗駕南嶽定詩禪
莫訝焦鷓細道遙且大年
懷韓子中

風流點蒼彥天骨乘黃奇
出宰千家邑歸無三徑資
蘭亭傳墨訣草閣伴玄思
怱悵湯田別深盃欲暝

寄張愈光

名合

劉安悲落木曹植感飛蓬
夜雨燈前夢秋霜鏡裏容
縣縣思遠道戚戚苦無踪
何日來仙駕青天騎白龍

贈王民望

有厚○王名廷表○五首

鈍菴王民望自臨安千里來訪予信宿而別
期與池南唐子午衢段子會于晉寧爲盤龍
海寶之遊值予阻疾不果行作此以寄且訂
後期

與子曠參辰眷言淹晷曜婉婉來清揚媿媿啓玄調
暝宿太華峯晨理高嶢釣沙上愴分襟城隅阻言笑
言笑豁相思有約當後期雲嶠苔屐並風檐蘭襟披
衢步拾瑤草池酌繫青絲俊遊希白下高會繼南皮
南皮駛清流北渚爽金韞去驟儼立鵠走舸歛飛鷗

楊升菴文集

卷十九

十三

胡然嬰痲疢臨岐隔歡遊望美天咫尺何以慰離憂
離憂一何叢我心一何忡紫芳行采采翠管坐濛濛
開奩蕞寶餌隱几拂彫桐馳神隨去鷁緘情付歸鴻
歸鴻翔泐寂緒風傳颺杳涼氛秀峯期溫盟通海榻
詎詫彩霞分終令碧雲合張敏夢不迷劉勰興還蒼

高嶢夕

蚶霓

入聲

晴橋跨雄風晚籟斜綠疇翻祀極蒼浦贊

蝨葭

左思賦蕪葭葭贊葭葭森注賢音失分別也

樵隱同山麓漁商集水涯

荒村門早閉卜樹已歸鴉

贈別陸後野

名坤

邂逅叶心期燈花對酒卮浮雲遷客夢明月美人詩
館曙鳴雞早關寒度馬遲行過宜祿驛好寄世南碑

陸為子言虞世南書宜祿碑在邠州字畫遒勁不
減廟堂碑人罕摹耶

送人之吳楚

佳麗東南地登臨畫中竹雲籠曉渚梅雨澹烟空

風順帆如馬天高月似弓哀歌休拔劍槎上覓仙翁

舟曉

羈心厭漏遲未曉命舟師樹過如人立帆開覺岸移

天梭星落織霞錦日舒絲漸喜漁村近炊烟出竹籬

此風與胡在軒簡西巒泛舟至柳壩晚歸

楊升菴文集卷十九

北風吹海岸擁沫聚銀沙去棹穿汀葉歸帆拂渚花

鷺兒黃似酒楊柳綠藏鴉物色撩人醉醉歌凌紫霞

滇曉

林迥碧雞飛花稍露欲晞迢迢城漏寂隱隱寺鍾微

小店明燈出殘粧帶月歸雲津漁唱起空翠濕蓑衣

元宵雪

娥月隱春城仙雲飄六霏花隨四照出光與九枝爭

白戰橫詩掣清愁倩酒兵何須訪姑射人世卽瑤京

九月望日與諸弟夜泛

嘉水繞通川空林衆籟傳江天清近榻霜月冷侵舡

盡日供愁坐連宵只醉眠不同池上酌何事有新篇

次夜

南浦風光濶東林霽景饒灘聲喧昨夜峰影靜今朝
行牒尋烟語停杯待月邀清遊不隔日玉樹好風標

登金華山玉京觀中有陳子昂書臺

二首

巴嶠亭前立涪江檻外斜雪堂開洞府雲木上烟霞
葉響非關雨林香不是花玉京如可到從此問丹砂
古調今寥落令人憶拾遺不圖垂拱世復覩建安詩
瑟在猶清廟碑殘尚色絲紫陽畱詠後千載有鍾期

顧入昭化飲唾酒

楊升菴文集

卷十九

十五

醞入烟霞品功隨麴蘖高秋篁收橡栗春瓮發蒲桃
旅集三更興宿酬百拜勞苦無多酌我一吸已陶陶

古關早發神宣驛

孟冬來棧閣清曉度鄉關隱月雞鳴急回風虎嘯閑
裘收才見樹日出始分山時復憑高望秦川指掌間

長安遇雪

在京師中

詩

日下長安近天涯晏歲逢凍雲千畝竹寒雪五陵松
橋遠迷玄灞山明見紫峯行行遊獵者爭信容無棕

沙河縣

空磧少人烟孤城大道邊平沙盤馬路殘雪射鵬天

野日三竿上河水百片穿條風將變柳客思感流年

春雪寄內

春陰鬱未開春雪犯寒來點綴過花徑飄揚度玉臺
望迷河畔草歌落龍頭梅併起因風興還思道韞才
十二月朔旦南郊扈從省牲

天仗雲門外宵衣曉漏前蒼龍旂影動朱鷺鼓聲傳
星爛甘泉燭霜清泰時烟南郊新警蹕重覩孝皇年

方云得
初唐體

送內弟黃秀卿

華還送寧

素舸濤江來白馬嶠關去秋岸屢沿洄蕪臯幾容與

楊升菴文集

卷十九

十六

寒日照行觴朔吹飄離緒超遠望平原脣脰空延佇

癸未除夕

金壺躍溫酎華燭蟠暖烟壁陰逝可惜瓊籌俄已遷
噦噦鸞聲動蒼蒼龍角旋椒觴猶頌酒蘭佩催朝天

夜泊

夜泊中崑下扁舟對萬峯一星高岸火幾杵上方鍾
水落灘聲急雲低雨意濃何人吹鐵笛潭下惱魚龍

送鄧士曾給事以言事謫金壇名繼曾

千里泛滄波孤蹤寄薜蘿風塵隨燕雀水國傍鼉鼉
湘浦捐春珮承明待晚珂華陽雖咫尺未許聽仙歌

秋日枕疾

四首

陋巷本寂寞病來入更稀
氣候倏忽變陰晴頃刻非
量移寒燠榻調停單袂衣
餘生付泡影焉知衡氣機
風前黃葉樹雨後紫苔墻
肺病知秋早身閒覺日長
杵聲頻擣藥烟縷漸消香
遮眼聊書卷雕虫久已忘
病叟茅亭卧頑童竹杖隨
半人嘲鑿齒一足笑虞夔
夢境虛傳蝶支牀祇用龜
古方渾不效無乃偽軒岐
殘燈光翳壁斜月影穿帷
衰髮難禁日幽憂不寐時
棘籬嗥夜犬茅棟笑寒鴟
展轉那堪說呻吟強作詩

春月卧病至夏首

楊升菴文集

卷十九

十七

愁心冷不春病眼夜難晨
蝴蝶成虛夢芭蕉喻幻身
枕乾垂老淚門絕問奇人
惟藥添無量呻吟似飲醇

新秋悼亡

二首

清商不堪聽白露自生愁
孤枕寒先入空堦雨未休
夢魂回永夜悲怨集新秋
奇樹中庭色傷心不再遊

又

黃葉擁堦深秋聲雜暮砧
天空孤鶴唳露冷百虫吟
錦暗宵衾色瓊沉曉珮音
可憐搖落節感此倍蕭森

楊升菴先生文集卷第十九

升菴先生文集二十卷

從子 有仁編輯

成都楊慎著

後學趙開美校正
高安陳邦瞻甫校

江陽王藩臣
內江蕭如松 全校

五言排律

早秋野眺寄所遲客

蟋蟀鳴歲晏，爽鳩起涼氛。
斜川有名飲，中林無雜群。
輕輪逐水曲，空舫艤江濱。
烟杪散靈籟，寒漪聚淥文。
浦思滯滄客，洲望爽猶君。
夢想期華月，徘徊生碧雲。
小山桂將結，幽谷蘭當芬。
馨香坐消歇，楚音詎相聞。

楊升菴文集 卷之二十

新正六日隨徐子容郭介甫唐守之登鏡光閣

一首 徐名縉 郭名維 藩唐名臯

抱病強尋春，開愁是此辰。
瑤峰初霽雪，鏡水不生塵。
仙閣通青漢，皇圖望紫宸。
城隅纖草出，官路遠傷新。
麗藻留金馬，煙花對玉人。
風光知漸好，搖蕩曲江濱。

至後雪

白雪見玄陰，清都帶玉岑。
原鱗春益益，宮雉曉沉沉。
朔氣龍沙遠，寒光鴈渚深。
色裁斑女扇，聲入楚妃琴。
黃竹當停奏，幽蘭且罷吟。
瑤華如可贈，持此慰離心。

禁直春寒

太乙祠燈罷甘泉薦鬯回青陽孟月啓華啓上春催
温樹花全斂曲池水不開通天明星館迎風寒露臺
清冷異塵境霄霓隔蓬萊玉女闕窓下金徒抱箭來
網戶排雲掩瑤墀映雪皚中郎五日直內史三宵陪
鄭綿猶重御越羅當未裁欲分青藜火共舉淥醪杯
送石熊峰閣老代祀泰山闕里

云亭炎帝館洙泗魯王宮百代聲名遠千秋望秩同
郊禋元祀啓彤蠻九幽通奠玉分宸獻函香領鉅公
璣衡璇斗北奎壁映天東鯨澤觀滄海鴻達指岱蒙

楊升菴文集

卷之三

二

五松烟杪葢雙檜兩稍叢華袞遺經在金泥故檢空
銘崖晴倒景文棟曉舒虹仙碣秦觀罷靈旂濩舞終
周筵晞湛露舜殿轉薰風肅肅攀歸鞅明明翊化工
送尹舜弼祇祀南嶽分韻得王字

洞庭環北渚衡麓奠南荒軒帝曾張樂重華舊陟方
登封非昔事秩禮自今王鸞掖馳仙使龍函捧御香
栢梁辭曉晏桂水泛春航星鳥光芒動風鳥浩渺揚
雲標青磴上天柱赤霄傍峰影回鴻鴈岡音下鳳皇
擗毫驚挾藻弭節敬維桑並命還分後同棲忽異翔
行行皆去轍肅肅戒歸裝南望蒼梧遠西遊碧草長

五津通萬里七澤遠三湘暑殿螭頭日秋堂燕子涼
漢恩虛講幄唐會別文場離索難爲久居諸幸不忘
讀氣涪江泛舟

明月沉清露秋風起白雲蘭橈乘溜急木葉下江聞
爽籟金懸奏遙峰翠積氛碧潭留鴈影錦汭散虹文
旅望隨天豁幽阿與歲分登臨知自好弃寔共誰云
送彭胡之官保靖

青楓帶楚鄉紅旆引吳航溪洞連辰浦峰巒近酉陽
稻田多有歲橘樹不知霜葦簫祈盤瓠鼓詞賽竹郎
蠻歌花節鼓公讌桂沾漿因爾詢風土圖經遠寄將

楊升菴文集

卷之二十

三

薰橘

綠橘試新霜金丸綴紫房美人憐節物含笑出長廊
玉手勞親摘朱唇不忍嘗濃薰九微火清芬百和香
捧持青玉案投贈白雲鄉桃李終成俗芝蘭豈並芳
直堪頌屈子詎許擲潘郎羅帕分玆賜猶疑出上方

詠端溪硯廿韵示兒

瑞石出端溪靈陶琢已齊緇磷開渾沌清越奪琳珪
龍尾仙翁棹羊肝彥士封浴毫輕似染囚墨膩於鑿
拙月沉泓北溟雲度岳西影寒歸黑帝光鑑比玄妻
羨起圓如璧紋迴曲似堤藏春留琲璫

切花如玉蓋也俗作善講

張有復古編云云敲日響玻黎呵潤能欺礎涵星詎照鷺未

央無古瓦函谷失澄泥兒愛蓮蓬洗奴頑竹節携研

山銘可記壺領價應低叱筆漿含蚌祛塵匣斲犀讒

邪憂呂望博厚景宣尼綺思生松黛訛音辯彩霓寸

田豐稔種勺水躍鯨鯢藻翰歌麟趾動華借兔蹄逝

將翔沼鳳幸勿厭家鷄巴嶠薪當荷雄池草正萋玉

蟾徵舊夢金馬擬新題

戲效西崑體無題十六韻

王御參三粲河圖叙九房天機從此淺華孽竟非祥

蟾窟那須藥牛津豈服箱周阿生碧樹窈窕限清防

楊升菴文集

卷之三

翠被龍涎透銀箏鹿瓜長蕩舟凌浩渺解珮失溟茫

南后鳴瓊博西施響屨廊山峯歌羯鼓風水舞霓裳

繡嶺仙人閣華清玉女湯咲中迷下蔡粧罷陷平陽

回盼傳深意橫陳脫薄粧青鸞工渡海赤鳳巧踰墻

團扇留明月輕褰溼早霜鷄皮三復少狐尾九還翔

玉井喬家破珠樓石氏亡洛神休染翰嗤爾獻之狂

初寒擁爐欣而成詠

閉戶當嚴候圍爐似故人胡桃無賜炭

宋世御炭以胡桃文鴉鴿

櫓拙有窮薪兒免號寒喜翁便永夜親

燭騰金齒蓄灰聚玉麒麟煎燭休論跋傳杯莫計巡

煎茶浮蟹眼煨芋皺蚪鱗一點那容雪千門預借春
霸橋何事者凍縮苦吟身

重詠風扇

披襟誇宋玉吹律詫鄒生何似風輪扇能令暑域清
蘊隆澄沆瀣道暘幻蓬瀛枕簟無三伏樓臺卽五城
郢人忘羽秉宣曲想衣更颭爽蕭丘似飄颻列馭并
土囊真妄說天籟實多情歌舞宜高晏鮮鮮白紵輕

蔬食

蓬樞還老圃藿食遠膏薺小摘中園裏薄采南澗傍
終葵紫含露囊荷白負霜煤作金釵色齋爲玉筍長

楊升菴文集

卷之二

五

旣飽琅玕腹亦允沆瀣腸糟井甘三咽蟻丘愁五漿
籠殮詎堪享鉤餌寧可嘗願言從沮溺從此謝金張

送謝子佩

吾愛右溪子翛然清且真神仙自天骨吏隱出風塵
直道酌當宁危言動搢紳雷軒三進日瘴海一麾辰
益者來三友同心得二人歡遊才異域良會復殊津
忻坂褰烟幕崢嶸峰隱月輪逵途折龜背候館密魚鱗
霄鴈將愁迥露猿遞夢頻殷勤祝玆護歸及采衣春

詠蟬子

鼉記軒轅鼓龜升夏禹圖兜零清紫塞寓望拱皇都

水隔生烟直山遮落照孤道人春振鐺亭長晚吹蒹
原樹遙分薺城荒遠辨蕪淋鈴蜀棧雨疲旆楚江艫
客思虛悲梗吾生實射弧驂駢達自達兔鹿徑休迂

晨霏

江陽王燕臣全校

五言安寧之境抄秋初冬天將晴霽晨必大霧千
永里一白如銀色界湏臾日出霞彩暉煥亦奇
觀也

不睡采靈芝青赴種山教

玄冥當凜節白霧翳晨朝明日朦朧閣清霜曖暉橋
冰澌紅織水花淞慣封條嵐市天寒幕煙凋陸湧潮
鳧疊迷獨釣鹿徑滑歸樵文彩南山豹威凌北塞貂
楊升菴文集卷之二

六

駟星收閃閃曦景煥昭昭梅信懸知近憑他酒帘招

仙自天骨吏隱出風塵
直道醉里一自吹雞白界前更日出霞深輒歎亦蒼
益者來安寧之真味味味天深韻霽景必大霽千
忻坂晨霏嘉祥隱月輪途途折龜背候館密魚鱗
客馬盡悲歎吾生實機願魏魏我自鼓兵與盡朴玉
魚樹盡公薺城荒遠辨蕪淋鈴蜀棧雨疲旆楚江艫
水圍坐臥直山懸客照雁雁入春寒豔亭身與大荒

升菴先生文集二十一卷

成都楊慎著

從子有仁編輯

後學趙開美校正
高安陳邦瞻重校

五言排律
江陽王藩臣
內江蕭如松 全校

永寧贈任蒼崖

蒼崖金陵彦江陽隱邁軸紫擘采靈芝青麩種山穀
匪直起人痾兼用醫士俗驕綠謝雲遠鵠白非日浴
石鼎彌明詩錦肆君平卜聯鑣圭里遊對榻天池宿
網繆情已深縑縑意何篤明當理歸艤候子春渚曲

楊升菴文集卷之三十一

十月十二日與吳菴蒼崖清會宿平山樓

昨暝江壘泊笑詭極綢繆今夕高樓宿宴醉集朋儔
枕底靜湍瀨城上聞更籌既傷離索久復念關山脩
黃栢風人意青草王孫遊安得騎鴻鵠往來滇海頭

崇聖寺

塵劫非人境烟霞是佛都山開銀色界海涌玉浮圖
追蠡形猶壯伽藍跡已蕪經函飄粉蠹畫壁剝天吳
零雨頽牆草驚風廢井梧禪心隨夜寐旅望對秋孤
遠日窮千里傾懷倒百壺狂歌意無極感此歲云徂

無為寺

涼雨敞金天
暝巒凝紫烟
復有兔鹿徑
斜通龍象顛
餘霞帶飛閣
流波澄遠川
危磴三休至
層臺四望懸
佳遊惜落景
愁思怯離弦
非關興盡返
良爲懷抱牽

洪池春泛昆陽海口

香風香飛

洪池環貝闢清籟
切龍淵光騰馬躍渚
潤入象耕田
錦紋浮澹淡
金碧映淪漣
津吏醉持楫
漁郎歌扣舷
白浪認前浦
丹霞分遠天
蒙籠山鬼洞
遙裔海童烟
別籟鳴空外
歸雲望日邊
向夕長風起
愁吟江漢篇
雨夕夢安公石張習之覺而有述因寄

滇越隣天竺
叩嶽隔夜郎
五離殊豔域
一別異炎涼

楊升菴文集

卷之三

二

竄逐他時並羈懷
此夕長歡娛
漸迢遞
晤語落暝茫
嵐靄炎蒸國
烟波瘴癘鄉
秦關生馬角
蜀嶺斷猿腸
折坂沉黎壁
懸繩沫若梁
南盤堆枸醬
西髡緝枕榔
羅漢標孤檜
觀音映遠楊
湖街龍簇市
土人以辰日爲市名龍街

海貨貝投莊

真貨以貝一貝爲一莊四莊爲一首

卉服喧叢薄
雕題列

大荒逡巡烏爨弄

烏爨古之烏蠻今之羅人也其樂謂之爨弄唐世取樂府以爲笑云

噉咄白御章

白狼擊木今麗江姪萬夷也專具漢書

霄迥鳶飛站星低

蠹飲光

夷入畜蠹夜出飲水有光如星之曳尾

裸風氛甚惡
其地不時暴風如嶺

南之觀風土人名曰岬
裸風賦云環揚塵也

茵露毒仍防樹偃申家屋荷

凋屈氏裳獨愁吟
皚雪九辨感清商
永晝消棋陣
流

年付酒狂評弓穿鵠鷓鼓柅泛螳螂

鵠鷓鷓也 鵠鷓各螳螂也 各鵠鷓也

樂吳趨激鍾儀楚奏傷盼歸頻握楷憶舊幾停鴈風

昔交遊日崢嶸翰墨場金蘭通氣味桑梓借微芳健

筆詩鸚武靈陶曼鳳皇執鞭從李杜傾蓋許斑揚賈

誼三書切相如四賦良軼塵追騶裏缺岸倚崎將百

斛扛文鼎千帆掣駛檣仙才輕綬冕公望重珪璋蒲

席青規地薇垣紫界墻璇閨高曳履瓊溢儼分行笏

捧綈囊奏衣飄畫省香輦花簪蠹蠹池草佩鏘鏘保

直承明下經過韋曲傍翠薇橫半岫白水溢方塘暝

宿招提境雲眠蒼蔚房樵歌舉薜荔漁影照滄浪倏

忽嗟岐路參差散頤頑薰華晨逗雨蕘茨曉凌霜拂

鬱干將劍聯翻戍客裝峨眉臨絕頂讓既宛中央樾

蔭江楓赤庭蕪寒葉黃閉門非泄柳深壘詎庾桑紛

緒琴心懶衰顏鏡匣藏屏居親狹偷坐嘯和蛩蟹張

敏情還劇安期好不忘形骸元脫略身世且倘佯蛩

麋甘怡槁鴻冥豈慕梁艱虞寧暇問吾道任蒼蒼

孟夏苦雨不絕

積雨千家靜停雲八表昏青苔封甲子白水漏乾坤

祗益黔巫瘴虛沾屏翳恩愁零詩欲繼繁露術空存

潮汐宵通井津梁曉隔門何時集車馬明月對琴樽

秋夕效六朝體

美人別我去春恨滿靡蕪况是新秋夕相思芳歲徂
月織京兆畫星點漢臯珠峰霞張錦頰池澗湛清驢
物色那堪對情悰可忍孤將懷結楚臺流思向雲巫

贈汪泉翁

西土滇雲鎮南天執法星尚書崇禹衛大雅重周屏
聖化彰無外皇心佇靡寧分弓昭質繡掛劔倚潭青
吉日占風角凶門背斗刑威聲先象渚敵愾到麓冷
玉帳通降表金標已勒銘風馳凌汛掃火急驗灰釘
春壤重看闕宵關遂不肩帝圖輿外拓玉略徂邊經

楊升菴文集

卷之三

四

勛業今昭鼎文章舊發硯調高清瑟倡名並色絲馨
芳潤三霄露濤瀾六月溟過都誇驟裏傾國掩娥姪
谷響丁丁木波縈泛泛萍犧尊出城郭暢轂駐山亭
墨許池中洗歌容澤畔聽真堪慰遲暮渾欲忘飄零
信宿慙鴻渚生涯老鶴汀陳雷千古誼一羽在仙冥

訓張子上臥疾

幽憂子伏枕寂寥予閉關誰言彈丸地若阻重巖山
朱羲陸將改清商節欲還晷庭書帶靜文波屏風閑
鳴瓊罷魚翁窺棋忘豹斑牽率訓蘭藻俯仰企芝顏

荅彭子冲

異縣悲南國同車感北風
霜清淮浦澗木落楚江空
危坂難迴馬炎方少去鴻
望歸天共遠惜別歲將窮
海曲飛鳴隔山梁飲啄同
從軍古云樂況復九夷通
送周子籲工部北還

潘岳賦西征江淹黯別情
羊腸縈隴坂龍角繞吳城
晚照澄江靜星浮洞浦清
石帆風外轟沙鏡雨中明
愁聽丹楓落勞歌白芷生
杪秋逢夕憂殘月半長庚
五月四日蔡龜崖太守邀會于三塔寺大觀堂
分題得櫺檻觀瀾分韻得霰字

蔡名紹利

清冥鳥外簷翠靄雲中路
暇日從公遊淑景同人聚

楊升菴文集

卷之三

五

悒悒捲宿氛晏溫屬新煦
陶潛思停雲樂廣欣披霰
空侯睇遙天

佛經有
此語

平薺數津樹陽焰展海幘
浮圖

象天柱繡檻狎鷗汀
朱窻見魚步鷺翻入鏡
明灘羽當屏度酌言深
竿酣詎覺層城暮懸火
已促歸芳草猶回顧
慙賡玄暉吟緬誦澄江句

六里菁

在豐祿

六里菁何深千章樹如薺
俯聽秋蟬鳴翻在幽澗底
澗水何湔湔谷蘭香靡靡
不見采芳人誰爲枕流子
日暮心悠哉臨風聊徙倚

溫泉

神丘隱雲岳靈泉渺天河陰火煮玉泉陽暈漱朱波
吹律豈鄒子煉石疑媧娥乳竇沉水碧碣梁起盤澗
漸漸不濡軌汨汨常盈科借賞玩仙液蘊真洗人痾
浴蘭興遠思沐芳咏遺歌銅池漢霽側釵城驪山阿
朝宗阻江漢褰裳限牂牁天隅感流落日暮吟蹉跎

鳳琴明月子

桂影靜遙天照我綺窻前窻中出佳麗樓上闔嬋娟
三五嫦娥夕二八箇儂年金波未成鏡玉弓才引弦
月隨人共媚人與月相憐自有橫陳意流光燭錦筵

送周子籲北上

楊升菴文集

卷之三

六

天路還鄉路文星卽使星北溟觀浩渺南紀歷峒亭
博望傳筇節玉襖識碧形漢詩陳奕奕楚賦詠莘莘
揆藻留仙署分華到旅庭薰筵風若蕙浴楫日如萍
玄草楊雲閣青蘋柳渾汀良書睽暝榻張飲列春坰
鳳舉誠難駐驪歌忍易聽吳宮有歸乙飛札與丁寧
故鄉歸未得暇日且銷憂仙地那能縮吾廬亦自幽
垂楊覆鍛沼脩竹引觴流桂白淮山脫梨紅張谷秋
烟林平似織雲樹鬱如浮卽此堪招隱無勞賦遠遊

送劉少隣北上

天何舍人

春物茂華滋花宮携手時行行傷遠別恨不能辭
歲月甘衰矣山川若間之嘉遊才舊約良宴卽生離
南浦江淹賦北梁蘇武詩挈音悽去柅行色慘征旗
濁酒臨風把清塵何日追惟應托宵夢萬里逐心知

贈簡西巒

才藻煥劉珊經術擬杜環鴻儀渾物外馬跡徧人間
硯沼三江狹詩囊五岳慳好吞雲夢澤莫擘少華山
喜枉魁脰徑慵攀虎豹關縈維過信宿瓊玖照衰顏
肆月八日觀李中溪元陽浴佛會同晉登去

三花寶樹下八水香池邊鷺嶺玄宗啓魚山清梵傳

楊升菴文集

卷之三

七

日華明震旦雲彩麗諸天染衣豈尊宿鏗佩盡儒仙
虛界一那刹實際萬由延伊予漂戎旅同君登法船
春郊觀射戴玉案葉雨湖錢憲副劉民部同賦
東郊春草合襍英紛蒲林同聲有勝集興言相追尋
白羽晝搖月鳴散風遞音已負投筆志曾是懸弧心
射雉休重賦蜚鴻聊一吟

清宵有清光

清宵有清光虛堂更窈窕月戶自娟娟風枝何嫋嫋
樓迥寒更遲堞近飛鳥繞露氣閨層簾星光涵碧沼
美人阻風期幽懷寄天表瓊想去翼長寶刻來音杳

紫居能無言歲月成遐邈

雲中十二韻

從子 有仁編輯

天子雲中狩將軍久未還律吹玄兔塞旗繞白狼山
風火燒荒急星晨過隊閑燕支留馬首蘇酪醉龍顏
清樂千門動黃金萬鎰頒雪深懷續絮月滿憶刀鐮
牙鳥嚴宵仗官鴉捲曉班奏回青瑣闥捷報紫金關
奮力休明鎧歡聲洽禁闈功牌銀燦燦賀障錦煇爛
日轉虞巡外春流鎬宴間戢戈行有頌神武徧人寰
首夏過西園得樂字

青雲何飄飄華彩透揮霍阿閣翼景龍出臯伴鳴鶴
楊升菴文集 卷之三

信宿訪烟霞夙尚本丘壑赫曦中陸永夏氣南榮薄
游樹列丰茸行欄護花藥還近竹林遊遂動蘭池作
甘瓜浮清泉碧盃凍寒酪芰製鳧鷺親林籟宮商錯
妙理寄沉冥興懷在歌琴悠然莊鳥心試誦思歸樂

青樂千門燿黃金萬鎰頒雪深懷續絮月滿憶刀鐮
風火熱蕪翁星晨過隊閑燕支留馬首蘇酪醉龍顏
天子雲中狩將軍久未還律吹玄兔塞旗繞白狼山
樓迴雲中出巖飛鳥繞露氣閉層簾星光涵碧沼
紫岳踰無言歲月成遐邈

升菴先生文集二十二卷

從子有仁編輯

成都楊慎著

後學趙開美校正
高安陳邦瞻重校

江陽王藩臣
內江蕭如松 全校

五言排律

八月二日經筵紀事

經惟當日表講殿直天中鵷鷺隨多士貂蟬列上公
墀聲分噦噦檣影辨曠曠湛露晞蘭省卿雲爛桂宮
蟻浮仙酒綠鶴翥錫袍紅晉晝延三接堯旻遠四聰
衣香芬玉藻履跡印璇穹觀易三陽泰陳詩萬國同

楊升菴文集卷之三十一

寵高梁授簡恩邁漢臨雍奎聚占乾象研書識帝鴻
羽陵無蝕蠹玄閣謝凋蟲瑩德同金礪温規借玉攻
宸瞻休氣近鍾叩德音隆卷帙叨從事簪裾儼在躬
涓塵何補助海岳自深崇敢詫桓榮力還歌吉甫風

與方思道別

子有東山行訪予東城曲承風動別颺揆景淹離旭
青翰下新波驪駒遵往陸贈言已結詒晤語猶更僕
颯宣宮商郁郁披華縵煌煌京洛都濟濟英賢躡
端居促席輕分岐馳念篤芝蘭在久要丹臆失相勗
幸駛星駕期共玩春芳綠

園池春晚圖

方塘含廣漪名園饒雜英花蟲丰茸戲水鳥閒關鳴
啁啾旣萬態藿靡又千名錦純奪艷色笙簧無雅聲
聲色知可翫冶遊空復情青雲從東駛白日向西傾
還思玄洲路遠訪丹丘生意樹中天嚴輒效對幽

首夏郊觀得者字

端居臨囂塵良辰睠林野聯翩接華裾邂逅命金馬
玉堂凌炎歎琪園敞瀟洒丹葩駐餘春清陰澄首夏
烟絲困欲扶風絮情猶惹羽翼涼颺浮塵尾玄韻瀉
山陰茅宇期水曲蘭亭掌青雲興何高白雪和彌寡

楊升菴文集

卷之三

二

列子風馭還襄童日車下回首汗漫游愧尔悠然者

夏日登昆盧閣

赫曦改東陸鮮飈轉南薰炎歎深城府清冷阻江濱
隱几倦文竹紉書厭香芸眷言承明侶肅此塵外群
仙梯駕虹出梵閣排霞分攀楹低白日對檻俯朱雲
圓方鵠舉見參差鸞歌聞意樹鳴天籟禪枝繞烟芬
斜景歛平靄飛雨洒高雲金壘引清酌玉塵生涼氛
興謠吐雲藻搖筆揮風斤香留荀令榻書染羊欣群
竒賞真四美同詠慙五君

箕山王氏亭子

華館敞清虛蘭塘帶碧渠山雲迎下榻海月入前除
席對仙人宴門回長者車林喧沽酒鳥水躍聽琴魚
六馬將軍盡雙鸞內史書天遊脫羈馭野服謝簪裾
策杖歌招隱披襟誦卜居菟裘名勝地真作偃佺廬

送江景熙

西陸戒嚴兩東溟理仙臚征皖搖孟渚行闕動吳觀
山川成異地岐路感分衢雲中翔乘鴈汀際隱雙鳧
林楓夕響振籬牆霜艷敷蹉跎良遊阻荏苒芳節徂
晨風方發發晚露已塗塗行矣曠音息因之重踟蹰
安公石館賞並蒂蓮得并字

楊升菴文集

卷之三

三

何處同心花移根七仙井日彩曜聯華風漪漾雙影
金塘宛虹歌翠盎沉霞靜已近交疏窓復接參差苒
露飲對壁人涼颺失炎景南遊遲采芳相思歲將冷
送許稚仁得玉字

之子蘊英猷夙齡在仙錄窰苑采瑋琇天閑得驊騮
曳裾青瑣闥焚草明光燭止戈義驟陳諫獵書曾讀
虎旅昔屯邇龍鱗幾嬰觸通載逢休明沍寒回氳熇
羽儀遂高騫離照開四矚坐見皇風移歛受恩波浴
厭直下承明經略盡郊駟露網馳文軒金鈔耀朱襮
豈謂嚶鳴群翻成驪駒曲回腸繞車輪睽目謬丹絲

祖席臨折梅勞歌聽采葦笛鳴引飛鴻絃音催別鶴
分曹理毫素同聲覆杯醪霽宇澄皎震陽林淨齡旭
煙霜異節驚山川別岐促良會將無踈思君如美玉
聖泉篇贈韓石溪

龍圖天生水義畫山出泉睽茲感沸流肇彼渾沌年
盈涸在頃刻消息同坤乾塵刹變潮夕億垓無貿遷
帝臺益漿及神漢壺嶺顛冰雪姑射質風露綽約仙
竇雲騰瀾瀾泓月涵娟娟蝦鬚穿皎鏡蟹眼瞭淪漣
岷觴衍遊聖坳舟喻思玄迷蹤鬼方霞蘊真羅甸烟
詎逢陸羽品那遇桑欽傳名公紆勝引嘉招陶芳筵

楊升菴文集 卷之三

折簡開薈蔚飛觥延霽天玉珂裊重嶽金艾明華田
碧漱灑柔翰翠微鏗洞絃臨源稱混混倚谷望瑤瑤
巖闈鑿鼓動迴谿蕢燭然荒塗欣良會興言遂成篇
立春詠 詠梅
新春見早梅先折一枝來不待并刀剪何須羯鼓催
年光掌上出春色髮邊回影浸金瓶水香留玉鏡臺
精神憐粉素零落惜瓊瑰情惹陽雲夢歌成郢雪才
佳人知愛重摘取泛霜盃

建林驛垂柳

枝枝金縷細葉葉翠條輕嫋嫋曾經折陰陰已復成

有身分

流鶯頻喚曲征騎此重行不爲芳菲惜多緣歲月驚
烟條縈水曲風絮惹山城閨怨佳人笛邊愁大將營
婆娑漢南意因見古人情

三
送周子庚

洽

都憲撫邊

同

肅肅戒嚴程蕭蕭班馬鳴龍庭新節制騎省舊才名
玉律調秋氣金鏡寢夜聲隴雲笳外結關月笛中明
鸞翔臨秦障鶉瓢繞漢城沙汀行見鴈海樹坐聞鶯
遊霧懷前賞歸風遡別情佇聽歌凱入一舉塞垣清

賦
送童士疇

承緒

冊封河南

同

西候臨周道南溟望楚雲恩綸三殿出瑞節五潢分

楊升菴文集

卷之三

五

瞻洛詩先誦遊梁賦早聞神臯添藻思仙苑挹蘭芬
池遠鳳皇影江連鴻鴈群歸程應計日陌上草初薰

南館對雪

同

玄霜有端木玉葉凌雲栽人間驚未見天上還先開
斜飄涼風館平覆露寒臺墻陰明紫界城隅爭丹埃
象廊光掩暎鸞掖舞徘徊飛翼纔繞雷積霰忽成堆
三素綦邊瑩六花衣上來東閣觀梅興南宮視草才
熏爐馥朝襍仙醞盈春壘書停柱下筆歌待郢中催

小春紅梅效徐庾體

風池冰未合雲林葉才彫小梅含紫萼踈英綴青條

飄香寒谷迥靜影月林遙絳雪明玄夜丹霞凝素朝
美人惜瓊樹纖手撫金翹剪綠添花蓋橫枝當綺寮
春杯酌鸚鵡夕幌啓鮫綃鮮粧呈粉艷醉頰湧紅潮
百和鑪煙歇九枝燈焰消窓通羅浮夢簾隔壽陽燒
笛奏金將落瑟心弄未調芳華誰與問秀色自孤標

賦得流風迴雪

春雲籠半晴春雪太多情神飈起玄朔仙囊飄紫清
軒墀颯以徧房櫳暖有聲宛轉逗香徑玲瓏穿綺楹
稍訝銅池淨俄看釵砌平沾梅粉臆動染柳翠梯驚
絃歌隨綽約巾舞閒輕盈借問凌波浦何如不夜城

楊升菴文集

卷之三

六

羊皮彩燈屏

鴈足懸秦殿鯨膏朗魏宮何似靈獮鞞揚輝玄夜中

百琲添絢爛七采聞玲瓏洛洞金光徹

異苑洛洞穴中金寶交餘

明奪三光中有神羊居之

東岳玉華融

易是類謀東岳主玉羊劉孝綽詩玉羊東岳上金虎

西方雪毫羞曜日雲毋詎障風白石望如近素綵看

若空青精千歲樹丹影五仙甃餘明如不息還持繼

燭龍

張禹山曰九詠物詩不正則變太工則弱此詩亦物極工而體句在古樂府中表表獨步

春郊得紫字張惟信同賦

韶景臨上春年華屬元巳晉禊首洛濱鄭風詠溱洧
渙川盈蕙蘭芳蹊蔭桃李宛宛流文鶯班班韻澤雉

園翹豐綠萸水葉牽玄泚百琲佳麗人千金遊冶子
飛蓋雜英前行筵方樹底廣幕耀周緹袷服矜齊紫
野隰被華丹林籟和宮徵徙倚非送歸躊躇因望美
陌上君馬飢閨中妾蠶起晴絲颺鳴鞘香塵翼還軌
冲虚情已遺沉痾酒仍止請從張茂先清言洞各理
首夏送東城邵園餞彭子克給諫得送字

遲遲東畧移習南薰動暄樹語綿蠻晴嵐收驟疎
美人獨搖裝良儁遠相送城隅敞行筵陌塵靜飛鞚
漸臺高白虎梓澤隣金鳳掛衣女蘿谿展席仙霞洞
香影散清陰雲液流春瓮鷓首且沿洄驪駒大控僂
楊升菴文集 卷之三 七

竹枝巴渝聲桃葉江南美明發聽晨鍾悠悠隔江夢
補范石湖占陰晴諺語

朝霞不出市暮霞走千里日早雨淋腦日晏鴈晒翅
天道管難窺農談綽有理星占溼土時諺云乾星照溼土明日依
舊月驗仰瓦比諺云月如仰瓦不求自雨多風粥粥鷄上籠
雞上栖雨趨趨魚秤水魚跳出水雲起樓梯天諺云樓
破日沒燕脂紫諺云日沒燕脂紅無雨也有風電光分南北陰霽在
俄晷諺云南閃千缸爲水椿兒缸主晴亦主雨明而
俗呼水椿霧是山中子諺云山頭戴黑猪渡斜漢視
天河中黑雲謂之野猪渡天不風倉龍銜燭不敢紅金烏抱

雙耳有抱耳聒聒聒聒蛙鳴疆疆占鵲喜戴帽視泡文

雨點有泡謂之戴帽主雨着裙看瓮底瓮下有涇痕曰水罅穿繩主雨金星驗雜

出燈花結雙藥斯夕恒目擊雨場如掌指方朔廢射

覆洛閣休曆紀先哲有格言林野觀無始以

青史補杜子美哀張九齡詩衣衾靈輿

相國生南紀蔚爲曲江彥山接韶音峰秀鍾重華旬

風雅旣蕨蕤聲名鬱葱倩登庸伊呂科敷奏姚宋美

珠澤隨侯雙玉林郊詵片九重集神仙咫尺生願盼

陸謝擅緣情沈范采餘絢九遷帝獨竒三臺師錫薦

補衮綴宗彛用藥必瞑眩防乎貴未然介焉斷幾見

楊升菴文集卷之三

狐媚蕩主心狼子紆皇眷金鏡修垢塵玉弩驚腥啓

萋斐偃月堂棄捐秋風扇鼉動漁陽輦蟲飛太極箭

朱鸞奔咸京青騾乘蜀傳棧閣雨淋鈴宛洛颺迴縣

蜚鳳愁仰霄昆蹄怯升甌噬臍漫天泣回腸嶺南奠

精已箕尾騎魂猶螭頭戀絕綫國步危規瑱忠言賤

青史篆呼嶸翠珉藤跃蔓誰珍徐孺碑彫虫但黃絹

劉湏溪云九齡大節在奏請斬祿山以絕後患

杜公入哀詩旣不明白末亦不及另祭事殆失

詩史未免捨其細而遺其大也慎輒爲補一篇

豈敢以龍涼闔華衮鈿刃齒步光哉亦續湏溪

升菴之餘蘊發曲江之幽光觀者勿哂之

送崇慶白判官

宦蹟標南郡賢勞賦北山分攜千里外留滯一年間
梅閣春全隔花宮月幾彎水聲隨露冕塵路損風顏
別路遙岑合離亭二水環永言君子贈懷惠野人攀
共道鶯遷近來瞻馬首還

明 新安吳勉學 校梓

升菴先生文集二十二卷

水 卷之五

九

升菴先生文集二十二卷

共世嘗夢也來孰馬首還

宦蹟標南郡賢勞賦北山分攜千里外留滯一年間

梅閣春全隔花宮月幾彎水聲隨露冕塵路損風顏

別路遙岑合離亭二水環永言君子贈懷惠野人攀

送崇慶白判官

升菴先生文集二十二卷

升菴先生文集二十三卷

從子熾有仁編輯

秦天... 成都楊慎著

後學趙開美校正
高安陳邦瞻重校

高皇... 天開大... 自養
江陽王藩臣
內江蕭如松 全校

七言古詩

黃泉送李元白侍御巡茶馬

風

漢家六郡防秋野秦地長城限諸夏單于自款幕南

庭天子非貪大宛馬柱史東臺解豸冠霜威北塞斗

牛寒衛青驃騎尋常足克國屯田什一寬龍頭流水

停鳴咽朔吹先春飄惠澤好繼周書王會圖休翻樂

楊升菴文集卷之三

府關山月

紫杉行

雉雞斑文孔雀尾紫杉載月八千里越舩楚舵相並

行半入明湖半蘄水人生醜好無百年束縛亦得歸

黃泉此物何用一百片水鬼揶揄風浪顛

明當作

養龍坑飛越峰天馬歌

高皇御天開大明龍馬出自養龍坑房星夜下鹿盧

寨天駟曉來驃騎營殿前重瞳回顧盼奚官仗外爭

相迎鷄鳴牛首試控縱鳳師麟儀無逸驚歸風絕塵

羨迅疾逮日先影羞翮輕四蹄翩然不跟地六飛如

在空中行是時雄酋有蒼香左駱牡驪右牝黃貢上
金陵一萬匹內廐惟稱此馬良宸遊清燕幸鸞坡學
士承旨讚且歌飲以蘭池之瑤水秣以芝田之玉禾
飛越峰名自天錫駿骨雖朽名不磨至今百七十歲
時山頭猶有養龍池方經地志或遺漏箬苗洞獠那
能知吾聞天下有道飛黃伏皂又聞王良策馬車騎
滿野前時吉囊寇大同烽火直達甘泉宮近日莫羸
亂交趾羽書牙璋徧南中安得將星再降傳友德房
宿重孕飛越峰一月三捷獻俘馘千旄萬旗歌熙雍
嗚呼將相寧有種龍馭豈無媒經途訪跡一與慨郭
楊升菴文集

卷之三

二

隗孫陽安在哉長歌終曲長風來

題夏仲昭竹寄陶良伯

驥

太常胸次瀟湘寬少年愛寫生琅玕白馬蕪苑更入
妙筆法遠追王孟端兩家名藻雄吳下品題未覺風
流亞一紙能令百世傳兩竿不啻雙金價人言畫竹
非回工草書結構將無同誰家高堂名寶繪徐熙花
鳥迷青紅玉人佳興松江東寄圖索賦隨長風遙知
把玩清香裏正是相思明月中

擊壤圖

陶唐天子調八風鳳儀獸舞明廷中誰知鼓腹行歌

者復有山中擊壤翁短袖單衣露兩肘野狀村容不
自醜掀髯笑傲肩相隨共道帝力我何有柳谷餞日
暘谷賓老翁那記昏與晨一作一息有出入時耕時
鑿無冬春莫莢開殘又朱草生來未識平陽道海隅
赤日燒九州寰中息壤泪洪流已見天戈揮丹浦更
聞風伯殪青丘老翁其間百不憂直從紅顏到白頭
君不見許由逃堯勞步屨巢父洗耳污清泚華封老
人費言辭康衢小兒強解事姑射丰姿雖可珍神仙
彷彿信難真君看擊壤千年後多少行歌帶索人

昔子離席行送彭二

幸菴尚書之弟

楊升菴文集

卷之三

三

昔子從軍巴蜀山橫戈千里何間關坐使麒麟日月
煥行收魚鳥風雲閑文武才名歸一姓兄弟勲華許
誰並起晚已謝時運傾當陽再覩乾坤正陟岡在原
來復返海水天風歲將晚行行白馬燕雪深飛飛黃
鵠秦雲遠離堂命酒羽觴疾畢昂盈軒月東出主人
留連客離席慷慨爲子歌今夕

海風行

下關臨蒼海點蒼之衝有石梁曰天橋口歲

恒風烈偃樹走石人馬辟易予夕憇客郵聞

吼聲傍枕發响尤雄明適過之織羅不動乃

賦以志之

蒼山峽束滄江口天梁中貫晴雷吼中有不斷之長
風衝波動林沙石走只尺顛崖迥不分征馬長嘶客
低首我行其野歲仲春春寒野陰雲物屯病骨凌兢
坐自墮欲去未來先愁人山靈相假若有神纖蘿不
動停飈塵鳥鳥聲樂旅顏破僕夫笑語麗眉伸讎思
徃昔蘭臺直披襟曾奮雌雄筆金門玉堂遠別來景
差唐勒長相憶飄蓬落羽向南荒憔悴榮華寧有常
不學回風悲屈子江邊愁結芰荷裳

新開嶺行

楊升菴文集卷之三

四

廢丘關前榛莽積新開嶺上烟嵐闢新途古道太多
岐曠色荒烟帶征客岸下寒江流水碧崖畔霜林楓
葉赤日暮畏行豺虎陌松燈苜火投孤驛北渚鳴鼉
應遠更南巒哀猿響終夕

玉溪云棧閣夜
行方識此景

奇景行畢節早行作

晴嵐空濛羃朝彩頓看色界澄飛靄白雲翻在半山
腰下窺深箐如銀海瀕臯赤日上青林銀海鎔爲紫
磨金窮岫瘁鄉那有此天教奇景換豪吟

蒼山苔磯費生畫屏歌

往年嘗愛岑公詩吾觀費子毛骨奇婉變總角突而

弁粉繪風流今在茲素屏八幅君能畫咫尺江陽影
仙界寶山春眺立蒼茫海觀秋瀾湧澎湃龍潭時雨
稻苗齊霽雪方山勝剡溪白峇朝霞紅散綺東崖夜
月明如珪荔子丹芳錦林麗餘甘客舫無留滯避喧
可當武陵桃招隱還同小山桂乘興何須慕遠遊山
中日月自悠悠君不見眉山蕭旭亦好手流落滇南
今白頭出詩書宮閣賦西宮太子宮試其里來

唐池南席杜作琵琶短引唐池南席杜作續目出觀入口寶

漢宮佳麗呼韓婦黃金捍撥春風手鷓鳳宜承馭娑
恩犬羊翻作寄廬偶行行北斗望南看馬上一聲堪

楊升菴文集卷之五

白首茫茫烟草叫胡笳漠漠塵沙雜刁斗塞垣三秋
少鴈鴻幕庭四月無花柳楓香絕調今共憐糞英幽

恨君知否遺譜誰將異代傳豔辭自出騷人口賀段

本領昔已荒穆曹官調知何有定子新從北里來杜牧

之管兒不是東墻樓元微之華表工彫犀四稜錦條自

結絲千縷琵琶四軸名華表兩孔撚絃運軫翠蚪盤

促撾急節朱鸞走輪袍古引連瑣新驚颿截浪忽雷

吼曲終懸尾復重頭掩却瓶笙蕪瓦缶良夜邀歡松

炬難主翁愛客江魚剖善誑欣逢宋魏三知音况對

唐元九飽諳世事反覆多甘向天涯淪落久船中肯

溼馬曹衫樽前且進牛爰酒
射虎圖爲箬溪都憲題

錢選好手工白描粉墨丹青色沮喪細觀逸跡迥不俗氣骨深穩形蕭放中丞此圖開似我行行遊獵極殊狀漢家昔日李將軍生射猛獸天下聞彎弓半夜沒白羽飛鞞晴晝生黃雲今之圖畫無乃是披卷似覺陰風起積雪慘淡長白山草木蒼乾松漠間將軍身乘大宛馬從騎亦是驍雄者合圍射虎虎帶箭相持不肯遽相下虎鬪馬驟兩若飛咆吼欲震長平瓦東海黃公魯卞莊裴旻舞劍相頓頑古來英英者數

楊升菴文集

卷之三

六

子繪事簡冊傳芬芳何物少陵愁杜甫短衣南山思射虎老驥伏櫪悲鳴苦壯士哀歌淚如雨天狼煌芒直威弧安得此輩西滅胡却走馬蹄報神都爲獻單于款塞圖

臥月引爲錢節夫賦

昆明池上逢錢郎青雲爲衣白霓裳手持寶月金仙偈口誦明星玉女章自言五華峰頭住夢遊玄圃樊桐路御風學霧兩無心惟愛月華籠海樹少年名姓懸月中老去猶充脩月戶月裏仙人宋無忌持斧吳剛作仙使下界愛月升高丘步虛一聲龍白頭何如

放舟臥明月仰看銀河天倒流乘鸞翳鳳過北斗
景煌煌酌天酒玉兔爲脯桂作薪咲携吳宋兩仙人
老塘踏翻醉不醒嫦娥起舞榆花春
石雲寺見山茶梅憶愈光
江梅山茶早爭新點蒼逢春憶滇春金碧同遊似昨
日紅素兩芳如故人此山見花還載酒醉歌激越喧
林藪莫看華鬢驚客心且喜風光入吾手

寄張季文

美人別我歲幾華碧草五見生天涯東風東來飄錦
字忽如青天披雲霞往年君向秣陵去海夢橫分漂

楊升菴文集卷之三

七

陽樹今年君自滇池還風光又隔點蒼山佳期不得
同携手惆悵令人青鬢斑

賦得靈巖閣送余懋賢

名承業

青衣江水青楓林靈巖樓閣冠靈岑鯨音曉徹三峰
靜漁唱霄連五渡深三峰五渡招提景叢林八水氛
埃屏花雨諸天白壁雲松風六月丹崖冷丹崖白壁
上清虛石竇雲龕縹渺居玄度每過支遁室陶潛常
醉遠公廬子別靈巖歲初改早見聲儀動江海仙丹
玉節下清冷烟巒霞嶼生光彩巖前落水秋紛紛樓
下澄江靜練紋登臨定擬湯休作好寄新題向碧雲

升菴先生文集三十三卷終

從子 有仁編輯

成都楊慎著

後學趙開美校正
高按來即舊本校

江陽上蒲臣
內江蕭如松 全校

七言古詩

楊升菴文集 卷之二十三

八

次屏花雨諸天白壁雲松風六月丹崖冷丹崖白壁
上清虛石竇雲龜縹渺居玄度每過支遁室陶潛常
醉遠公廬子別靈巖歲初改早見聲儀動江海仙丹
玉節下清冷烟巒霞嶼生光彩巖前落木秋紛紛樓
長登次玉文集三十三卷 馮休作好竒新題向碧雲

升菴先生文集二十四卷

從子平有仁編輯

成都楊慎著

後學趙開美校正
高安陳邦瞻重校
內江蕭如松全校

七言古詩

提學陳西漁品士亭歌

君侯品士如品竹品士亭臯森種玉擬占易象玩蒼

筴逝將詩興歌淇澳沅雷半夜擗龍驚嶰谷先春紫

脫生脩纖一一如人立節足聲聲學鳳鳴伶倫律管

迷宮徵千載元聲元不死文章迥出珊瑚枝簫韶猶

楊升菴文集卷之三

在瀟湘水黑頭心期汗青日獨騎魯麟續魯筆禮樂

攻吾化雨滂藻彛繪帝卿雲密赤闌西面最宜秋靈

籟沉沉顛氣浮手中九苞屬天匠眼前萬物供冥搜

江湖那容閑袖手三山六鼇亦何有只今赤管輝金

章豈數當年靳許昌甘露竹花何漠漠此地容無此

亭著軋坤光談燭溟陆早晚勛華上阿閣

錦津舟中對酒別劉善充

錦江烟水星橋渡惜別愁攀江上樹青青楊柳故鄉

遙渺渺征人大荒去蘇武匈奴十九年誰傳書札上

林邊北風胡馬南枝鳥腸斷當筵蜀國絃

贈韓飛霞

往年見君黎州城荒林明月尾虎行凸杯百罰醉醺
酒么絃四犯玲瓏聲子六年來若反手天涯白髮進
相驚君今結舫漁磯宿愁霖我住癡禪屋空江瑟瑟
縈霜葭濕磴層層阻雲木晴風何日颺茶烟策杖相
求慰幽獨

紅蕖引用李長吉體

紅蕖羅襪艷長江苔錢翠膩弓鞋幫邯鄲步弱西陵
遠蠨蛾欲飛玄的雙妙鬢雲盤巫螺淺垂柳梳梳花
剪剪魚尾霞烘卯色天紫磨金輪月夕圓行波遙通

楊升菴文集

卷之三

二

綃宮戕素女多情愁胖絃

槩括劉緩李巨仁及古鏡銘語

君家寶鏡何年世土花苔葉新開翳茱萸匣掩鷓鴣
班珊瑚臺掛蟾蜍臺是軒轅鏡姓温背後銘文宜
子孫海氣空濛若圓燈勾闌匝似城門雄鳳雌鳳
本自雙左龍右虎順陰陽繡戶無波菱自動紗窻不
夜月恒光上有仙人不知老渴飲玉泉饑食棗婦娥
休上廣寒宮偓佺同住蓬萊島

爲唐池南題秋江遠眺圖

秋空沈寥秋影濶魚尾霞收雲一抹千崖有靄風落

山萬壑無聲水歸末杈杈老木拏虬龍椴槭平林叫
鷓鴣不聞金籟似竽鳴但見翠微如黛滌宰堵僧睇
迥不昏略約樵行危易怛一彎赤燒楓人明萬螢黃
雲稻孫割尋穴玄駒迷東西十樹烏鴉柏叫聒詞客
頻將技癢搔盡工欲把天機奪老倦捫蘿與攀葛倚
闌獨把吟髭捋遙岑寸碧天杵倚遠目雙明海月掇
開樽披圖興不淺烏絲欄界玄霜沫爲君走筆賦新
詩却笑蕭郎擊銅鉢

賦得千山紅樹圖送楊茂之

蕭郎雅工金碧畫愛画碧鷄與金馬畫作千山紅樹
楊升菴文集卷之三

卷之三

三

圖行色秋光兩瀟灑搖落深知宋玉悲登山臨水送
將歸丹林初曉清霜重紫谷斜陽赤燒微故人辭我
故鄉去滇樹遙遙接巴樹桑落他山共醉時楓香客
路銷魂處白首遐荒老未還流波落木慘離顏錦城
紅溼那能見千里隨君夢裡攀

後神樓曲有序

雲漢司空南坦劉公元瑞慕陶真白茅山樓居足

不履地之事而未構樓也待詔文衡山爲繪

樓居圖俾神栖焉射陂朱子曰潘作神樓曲

山萬壑余隱括其意爲後神樓曲

六期昔製神樓散射陂今作神樓曲神樓主人南坦
翁欲往從之限空谷吾聞仙家五城十二樓樊桐方
丈繞瀛州長風引舟不可到環中根像空神遊坦翁
元是神仙流何年飄然下丹丘天庭摘藻挾鸞鶴雲
輶立仗鳴華駟北斗南宮不肯住掛冠歸來營菟裘
碧瀾看盡開茗雪紫烟縈蒂彩雲夾新波菱芡泛青
翰過雨蘋風爽鳥恰人間九罭播聲詩天上五龍傳
青李遙看尺牘來雀羅淨掃昏眸開尻輪神馬
我赤明龍漢臺一氣孔神存中夜手翳華
芝海若說中有真人巾金巾授以靈文老復姪玄珠
楊升菴文集卷之三十四

安期

高縣義士行

山都水都蠻寨連九絲之城如絲牽鴉飛不到山勢
惡篳笏劔戟生愁烟沿村殺兒將女去黃鷄白犬不
得眠主兵不救城郭遠含冤悲苦徒呼天高縣義士
譚金錢鳴嘯嘯侶排戈鋌衆寡不敵吁可憫捐軀舍

生遭實顛至今里社傳靈異
赤厥坊宅榮陌阡何當
尸祝慰毅魄以配九歌國
殤篤我今感作義士行他
年貞石堪銘鐫

普市

孤城比屋雪封瓦重露濃嵐
冪四野飄颻風凹巧回
鷺凝涸水槽工溜馬倦客
落日投主人冷突無烟炊
濕薪敢辭白首禦魑魅眼
見木夫尤苦辛

赤虺河行

君不見赤虺河源出芒部
虎豹之林猿猱路層水深
雪不可通千尋建木撐寒
空明堂大厦採梁棟工師

楊升菴文集

卷之五

五

估客穿蒙籠此水奔流似
飛箭縛筏乘桴下蜀甸黯
淡灩澦險倍過海洋流沙
爭一線誰駈鳥鵲役鼉鼉
秋濤夏潦息盤渦栢亭雲
屏濟川手奠民枕席休干
戈安得脩爲夷唐道鐫刻
靈陶垂不磨

赤虺河卽唐武后世征雲

南嶽文所云赤虺河也虺乎爲水音相近爾

寄題陳海樵息栢亭

海樵仙人居海濱偃佺美門
爲主賓一口汲盡東海
水海底珊瑚樵作薪邇來
又逐雲中侶鱗宮貝屋難
留住六月一息逍遙遊斧
柯掛在珊瑚樹

與劉虛湖醉對白石畫舫亭

七十二年老遷客騎馬復走滇雲陌二妙風流絕代
無談笑渾忘窮海謫畫舫亭前花正開佛桑含笑粉
紅腮畫圖更愛韓熙載一幅嬋娟進一杯

華燈引琴思漢調

燭龍潛耀顧兔微金釭委照玄夜暉蘭膈吐焰芙蓉
葳蕤熒火齊歎煙幾九枝絢爛虹九圍丹鯨樹鬢蟠
彩暈長明掃暈蛾停飛啼鳥聲緯瓊扉東山戎旅
吟伊威鳴梧高張黼低惟背壁抱影鼓思歸星翻漢
回海漏稀

題扇贈張愈光

楊升菴文集

卷之五

六

張子扇頭水墨痕盡我讀書秋樹根天涯獨此各感
慨我未成歸子苦奔空谷白駒形影瘦南山玄豹風
塵昏孔明廟前老栢樹商聲激越歌無句門外僕夫
引西路點蒼磷磷莽回互

辛卯除夕飲潘郎金斗歌

主人新得黃金斗好客尊前爲余壽招搖揭柄轉春
星沆薤騰波挹仙酒天涯今夕歲云徂痛飲狂歌夜
良久乍可用尔爲鷗夷萬事盡付持杯手君不見商
彝周鼎徒聞名見之不識人不取

謝周健夫惠易冶劍歌

仙翁劍客元同流，昆吾歐冶誰能儔。
鑄成寶刃憂琬琰，蛟龍宛轉盤丰牛。
上有款識燦銀鈎，隱隱起如雲色浮。
天吳俛首黔羸愁，白日犀塵不敢留。
都鼠鳴鴻赧然羞，使君得此自玄州。
太行剛風鷹隼秋，何物妖魅干天囚。
一揮可當萬貔貅，蹄神日毋抱地喉。
霜稜霞靄夜不幽，獨騎赤驃馬棗騮。
身披昂藏日本裘，上黨寰宇塞蜺幇。
星沙月窟輝滄洲，天門信猜虎豹彪。
瑤臺佚女之謇脩，歸來菌閣與蕙樓。
水擬方壺山擬緱，吹首一快強莊周。
生平不能作蒯謳，乍可公孫舞纒頭。
蓬髮濡墨驚潛蚪，雲岑仙人意氣投。
解后贈我千金酬，沉烽靜柝無國仇。
含光承影將何求，夸蛾巨靈機已休。
洞庭君山如苔漚，他時相携負嶠遊。

禹碑歌

楊升菴文集

卷之三

七

禹碑在衡山絕頂，韓文公詩云：响嘯山尖神
竇，鑿空禹碑字。青石赤形，模竒科斗，拳身薤倒，披鸞
翼。下云：漂鳳泊，架龍躡，事嚴跡闕，鬼莫窺。道士獨上
巖，巖巖偶見之。我來咨嗟涕漣漣，而千搜萬索何處有。
森森綠樹猿猱悲，詳詳詩語始終公。蓋至其地
矣，未見其碑也。所謂青字赤石之形模科斗
鸞鳳之點畫述道士口語耳。若見之矣，發揮

稱贊豈在石鼓下哉迨宋朱張同遊南岳訪
古今求復不獲後晦公著韓文考異遂謂衡山實
無此碑反以韓詩爲傳聞之誤云再考六一
集古錄趙明成金石錄鄭漁仲金石略之三
星風下家者古刻昉列無遺獨不見所謂禹碑者則
以蒼昌自昔好古名流得見是刻亦罕矣碧泉老子
古賢書得墨本於楚持以貺予予撫卷而歎曰嗟乎
韓公所謂事嚴跡闕者信夫不然何三千餘
年而完整無泐如此何昔之晦何今之顯晦
者何或翳之顯者何或啓之天壽珍物神飢

楊升菴文集

卷之五

八

吾嗜不必以生世太晚爲恨也已作禹碑歌
以紀之

神禹碑在岫巒尖祝融之峰凌朱炎龍畫傍分結構
古螺書匾刻戈鋒銛萬八千丈不可上仙扃靈鑰幽
以潛昌黎南遷曾一過紛披芙蓉塞水簾天柱夜瞰
星辰下雲堂朝見陽輝暹追尋夏載赤石峻封埋古
刻蒼苔黏拳科倒薤形已近鸞漂鳳泊辭何纖墨本
流傳世應罕青字名狀人空瞻永叔明誠及浹滌集
古金石窮該兼昉列箴銘暨款識橫陳駢體和釜鬻
胡爲至寶反棄置摺

捐烏蟾又聞朱張遊岳

麓霽雪天風影佩檐搜竒索秘跡欲徧春倡撞和詩
無厭七日崎嶇信有覲一字膏馥寧忘拈非關喘嚙
阻登陟定是藤葛籠窺覘好古予生嗟太晚拜嘉君
貺情深快老眼增明若發覆尺喙禁斷如施箝七十
七字挈螭虎三千餘歲叢蛇蚺憶昔乾坤漏息壤蕩
析菘庶依苓慘帝嗟懷襄咨文命卿佐洛洞分憂憐
洲并渚混沒營窟鳥迹獸迹交門簷塌來南雲又北
憂直罄西被仍東漸黃熊三足變鮫服白狐九尾歌
麗神後乘包湖受玉籙前列溫洛呈疇醜永奔窟舞
那辭朕平成天地猶垂謙華嶽泰衡祇鎮定鬱塞昏
揚升菴文集

卷之五

九

徙逃喁噉文章絢爛懸日月風雷呵護環屏黔君不
見周原石鼓半已泐秦湫楚詛全皆藏此碑雖存豈
易得障有嵐靄峰巖巖登音巽絕柱藜藿吊影颯瑟
森蕭柵湘娥遺佩冷斑竹山鬼結旗零翠斂造物精
英忌洩露祇恐羽化難留淹欲摹拓本鑄崖壁要使
好事傳細縑著書重訂琳瑯譜裝帖新耀瓊瑤籤麝
煤輕翰蟬翅榻煩君再寄西飛鷄

升菴先生文集二十五卷

水齋山日民登乘泉百直款從子誠有仁編輯

水齋成都楊慎著

後學趙開美校正
高安陳邦瞻重校

南苑無非龍鳳譜金齋御玉琴江陽王藩臣
內江蕭如松全校

師七言古詩

水齋南枝曲

熱鬱蒼會川五里坡羅羅哨邊有古梅一株娑娑陰

對幽姿映形如曲蓋封蘚斑駁文如篆籀蓋數百年

其對獸物也予平生所見梅樹此為冠絕惜乎生於

窮山絕域而不得高人韵士之賞也玩歎之

楊升菴文集

卷之五

餘作此曲焉

我渡烟江來瘴國毒草嵐叢愁箐黑忽見新梅粲路

傍幽秀古艷空林色絕世獨立誰相憐解鞍藉草坐

梅邊芬蓋香韵風能遞綽約仙姿月與傳根地錦苔

迷蟻縫樹杪黃昏搖鳥夢飄英點綴似留人顧影徘

徊若相送焦桐椽竹亦何心中郎一見兩知音誰謂

南枝無北道願譜金徽播玉琴

水峽驛觀瀑布泉行

水峽羣山日月昏飛泉百道接江門猶龍近逐晴虹

掛似馬遙看足練奔懸紳瀑布屏風疊砮崖轉石青

天折三千尺，下直難量寸。二嶠流承不絕。

見水煙騫經註

霧捲滴珠槽，靄淨嵐沉冷。玉膏莊周虛說，鼃梁險枚
叟空誇鷺磧。濤一從流戍，辭巴蜀幾迴于役行。荒服
百丈頰，經水峽牽孤燈慣。向江門宿，織蘿不動月明
天。彷彿桃源擬問仙，滄溟有氣張圓橙。銀漢無聲瀉
直弦，山水清輝殊可樂。已覺蟠胸飽丘壑，乘興聊賡
太白篇。知音莫笑徐凝惡。

玉英九厓草堂歌爲督學徐公賦

萬李太白芙蓉峯

君不見九江之地匡廬山，山人匡俗廬其間。往時曾

讀支曇賦，夢想神遊不可攀。又不見東林梵宇金銀

楊升菴文集

卷之三

二

寺蓮社松閣清且麗，陶劉宗雷有遺跡。錦苔不識遠
公記，竒甸靈區迥異常。傍行敷落那能當，生賢下瑞
在英俊。物華天寶呈文章，潯陽曾寓李太白芙蓉峯
前。寄行宅春金戛玉詩百篇，九江秀色可攬結。九厓
先生儒之英，含章秀發元氣精。錦心萬卷汲脩綆，霜
蹄千里邁遙程。竭來邂逅滇之麓，訪我迴谿與深谷。
往年曾在瓊瑤書，十襲珍藏昕夕讀。暇日示我草堂
圖，平林窈窕還崎嶇。知公袖中有東海藻鏡流，洪九
派絳巖廊登拜在朝夕。肯放鴻魯許龍螭，銷魂悵版
金馬門。日望東南遠山碧。

贈張生一鵬歸涪江并柬太宰松泉夏公

嘉君新自涪州至袖有松泉經歲字江潭憔悴采離騷丘壑風流閑啓事西窓剪燭話巴山空谷梵音一解顏何日陶潛三徑就追隨范蠡五湖間

宿金沙江

往年曾向嘉陵宿驛樓東畔闌干曲江聲徹夜攪離愁月色中天照幽獨豈意飄零瘴海頭嘉陵回首轉悠悠江聲月色那堪說腸斷金沙萬里樓

寶慶相

詠史彌遠也揚鐵崖有此篇余讀之恨其深

楊升菴文集

卷之三

三

文隱語不足以誅姦諛且捨彌遠而傍罪余天錫梁成大與趙葵諺所謂無柰冬瓜何捉著瓠子磨也重賦此首

寶慶相臣大商賈不販海貨販宋主晝化飛燕啄皇

孫夜駕老蟾嬪月母

彌遠表裡揚后遂有三思之寵有作樂府詠雲以譏之云往來

與月爲儔舒卷和天也蔽

四十一年富且融格天偃月將無同老

死牖下猶未艾生魂歸來稱鬼雄君不見井研諫臣

鄧若水一疏彈姦澹菴比拾星漏曦非良史續宋綱

自者誰子

毛女引

唯鼇架濤擊海鼉秦橋遠見扶桑翠徐福樓船去不
還江壁俄傳蒼水使椒烟蘭霧卷衣人化作烏騅一
炬塵老龍鱗下毛衣女獨坐蓮峰閱幾秦

碧雞關頭月上霞高曉海色分人家菱塘眠柳猶藏
鴉雙雙柔櫓聲啞啞船尾風輕浪不花轉盼已屆溟
之涯

古歌寄盧思邵二首

我所思今在石湖欲往從之無輕艫晨朝遠望盡平
蕪美人贈我白象籤何以報之蒼玉鈺路遠莫致倚

楊升菴文集

卷之五

四

煩厭何爲懷憂心出潛
我所思今在筆溪欲往從之無輕輶夙昔夢見烟水
迷美人贈我文錦帶何以報之研光貝路遠莫致倚
蕉萃何爲懷憂心惋憤

送周世寧進士歸楚

周郎同榜復同庚瓊樹風流四座傾薇省爭傳八義
賦杏園都重數車聲鳴珮曉隨鷓鴣驚遙望雲春隔鳳
皇城素衣應染緇塵久燕鴈荆鴻幾回首秋後蕭林
轉北風烟中五兩隨南斗東南今已靜風塵舵鼓漁
燈夜問津楓林日出明丹葉瓜步潮來沒白蘋銅堤

折柳驚霜早赤壁吹簫見月新艤舟停榜郎西泚展
愛高堂承燕喜梅花索笑侍斑衣椒酒揚芳稱玉匣
少年何事獨遲回枕藉離騷紉蘭芷相思早訂相見
期勿使美人娟娟隔湘水

冬晴三章寄彭幸菴

冬晴連月歲欲闌北陸脩景廻南巒行人喜舞農人
歡負耒杖策各自返過涉不愁溪水寒
岷山白日多光輝清江微霧雪霰稀魚龍不蟄鴻鴈
飛塞上將軍未解甲城南思婦夜縫衣

岸梅春動江不波玉顏粲粲回銖柯璠洲霜晚繁香
楊升菴文集 卷之三 五

多吁嗟二物堪贈遠如此迢遞關山何

香霧髓歌

余得巨柑于江陽形如北方瓶梨不忍食之
携至榮昌清夜與冷漢池夜話漢池不飲乃
出是柑剖之味亦異恒品漢池曰昔廖明略
晚登坡門飲以蜜雲龍飲茗遂爲嘉話珂也
晚登公門此亦公之蜜雲龍也請以坡詩香
霧喚人及陸天隨星髓未雕之句合而名之
曰香霧髓仍出鴛硯棗心筆屬予作此歌云
君不見東坡先生蜜雲龍緘藏遠自朝雲峰宛丘淮

海四學士分江貯月初啓封又不見升菴卷人香露
隨獅頭瑞柑萍實比香霧喫人星髓開錫以嘉名漢
池始龍團獅柑各有神江陽玉局共稱琮若把西湖
比西子從來佳茗似佳人君才十倍廖明略姑射風
姿昆玉脚蘭舟菱唱朝陽詩閑情止酒淵明作黑頭
醅酸早歸來枕谷棲丘步紫苔王陽迴車九圻坂楚
筵辭醴三休臺玄言疊疊懷坡老清夜沉沉同絕倒
燭淚融成兩鳳凰仙蹤迥寄三青鳥酒酣邀我賦短
歌楚頌亭前芳思多像置伯夷真不超才盡江淹其
奈何

揚升菴文集

卷之五

六

觀汝南王玉磬碑引

汝南帝子真天人冰壺玉樹凌風塵心源早契空門
地意象遠寄荒岑濱步折峰頭翠肌草直登萬頃層
霞杪金鞭九馬蒼煙叢霓旌千騎紅雲島伐石何人
得磬襄豐碑擊作聲琳瑯鳳凰毛羽落丹穴蛟龍文
采璠銀潢山圖郡乘收難采波瀾東逝星辰收眼見
雙林成古丘誰問君王仙跡留可憐南浦西山外猶
有鳴鸞歌舞樓

芳蘭引

霸薰香草名見范子計然胡繩亦香草
見楚辭

廣莫風中小歲春百昌未吐蘭芽新柔芸都荔元同

節園柳宮梅且後塵南國美人東家子若英華彩茗
榮比蕙樓茵閣起江邊綠葉紫莖羅戶裡崇佩朝充
翡翠囊温湯夜浴鴛央水博山爐中百和香虎蒲龍
棗及都梁流雪迴風縈洛藹橫煙斜霧裊秦芳曾聞
有酒布蘭生復有雅曲荷蘭名願分明燭徐吾影未
媚國香燕姑情

月團茶歌

唐人製茶碾末以酥滲爲團宋世尤精胡元
入中國其法遂絕予效而爲之蓋得其似始
悟唐人咏茶詩所謂膏油首面所謂佳茗似

楊升菴文集

卷之五

七

佳人所謂綠雲輕綰湘娥鬟之句飲啜之餘
因作詩紀之并傳好事
膩鼎腥甌芳醕蘭粉槍未煠香杵殘秦女綠鬟雲擾
擾班姬寶扇月團團蘭膏點綴黃金色花乳清冷白
玉瀾先春北苑移根易勺水南灑別味難

升菴先生文集二十六卷

從子 有仁編輯

成都楊慎著

後學趙開美校正
高安陳邦瞻重校

江陽王藩臣
內江蕭如松 全校

七言律詩

僧鞋菊和顧箬溪韻

獅子床頭旦過鞦多羅林下覺花開西風有脚垂垂
發東度無媒得得來挹露祗宜香界見行雲休入画
堂猜石湖舊譜難收盡箬社新詩取次裁

詠荔枝

楊升菴文集 卷之三十六

萍實楚江浮赤日桃花秦洞粲紅霞試將海內芳麩
數敢並江陽荔子誇雲液留香凝重錦冰丸映肉捲
輕紗美人釵股雙雙綴肯擲潘郎滿鈿車

夏雨不絕柬張蜀望 張名崧

南滇六月朱夏涼疊疊嵐浮曉光林花含笑遠天
靜江草喚愁終日長闌風伏雨淹客路回谷深谿非
我鄉城隅隔手不相見車馬經過淋潦妨 王夔金馬
碧鷄頻回

谷深谿非
土之鄉

寄徐用先程以道 徐名文華 程名啓克

軒轅臺畔雪霜寒陰磧茫茫萬里寬夢繞盧龍明月

易書隨鴻鴈朔風難天涯好在崔亭伯海上終還管
幼安應念瘴鄉孤成者自將形影弔衰殘

庚寅除夕王子推送桑落酒適傳希說葉道亨

同過守歲卽事

桑落舊方傳陸海椒花新頌及滇春能消客底千金
夜頓有天涯兩玉人無家垂老同漂梗痛飲狂歌非
隱淪歲去年來真反手柳青頭白轉傷神

鄧州楊少叅兩依莊

揚名南金

名公妙年辭京華飄然歸來乘雲槎天上烏啼御史
府海邊龍卧神仙家東山老子興不盡南華真人生
有涯空餘喘胸濟世策日對隣叟談桑麻

楊升菴文集

卷之三

二

泛浪穹海子

峰頭才見一泓幽沙尾驚看四岸浮沅水羅文堪並
色嘉陵石黛迴添愁秦源欲問桃花渡楚望渾迷杜
若州亦有滄浪舊歌曲晚來乘興更扁舟

帝釋山

帝釋山頭雲滿谿東菴飛雨西菴泥碧潭照眼石鯨
動翠微當面林鶯啼濛濛香霧花層溼漠漠生烟樹
點齊傍險銀鞍應未怯玉壺清酒爲君携

毛希曾園千葉梅

毛名沂

今年朔氣凌炎暉雪後見梅千葉稀空谷倚竹翠袖
薄洞戶穿燈香霧微嬋娟莫待月初賞綽約卽愁風
乍飛繁霜旅鬢不羞汝爛醉賓筵簪朶歸

臘朔後再向毛園醉梅

東閣早梅春已破南枝初月夜不遲羅浮仙人再入
夢揚州何郎仍賦詩留連錦席坐雲暖瀟酒玉榭臨
風歌嫣然正用啓粲齒鮑爾無勞嗟鬢絲

春興八首

遙岑樓上俯晴川萬里登臨絕塞邊碣石東浮三絳
色秀峰西合點蒼烟天涯遊子懸雙淚海畔孤臣謫

楊升菴文集

卷之三十六

三

九年虛擬短衣隨李廣漢家無事勒燕然

又

昆明初日五華臺草長鶯啼花亂開探禹穴遊今已
遂吊湘纍賦未湏哀巢雲獨鶴時時下傍水羣鷗日
日來散地幸容高枕卧清朝豈乏濟川才

又

諸葛提兵大渡津河流禹鑿迥如新彩雲城郭那無
跡黑水波濤亦有神象馬遠來銅柱貢犬羊不動鍊
橋塵靈關在眼平於掌歲歲蒲桃苜蓿春

又

憶昔衣冠侍帝庭常陪鷓侶翥仙冥張騫銀漢通牛
斗方朔金門隱歲星鳩鵲吟詩宮月白鳳皇傳詔御
烟青夢回髣髴鈞天奏腸斷蕭條海角亭

又

帝里朝辭供奉班客程宵濟洞庭灣湘靈鼓瑟清冷
外鮫女鳴機縹渺間青草波光連夢澤蒼梧雲物隔
疑山故園亦有岷江水垂老生涯釣艇間

又

平沙落日大荒西獨立蒼茫意轉迷蕙畹蘭皋愁晚
對竹垣花掖記春樓摧頽杜甫歌朱鳳憔悴王褒望

楊升菴文集

卷之三十六

四

碧鷄白首艱難隨去住青雲容易墜攀躋

又

白屋茅堂枕碧沙玄亭亦近子雲家浣花溪上花饒
笑濯錦江中錦勝霞遊女秉芳歌窈窕狂夫題竹醉
橫斜悲來瘴海凋霜鬢愁聽山樓咽暮茄

又

天上風雲此際多山中日月竟如何爭傳鳴鳳巢阿
閣又見飛鴻出罨羅宣室鬼神思賈誼中原將帥用
庶頗難教遲暮從招隱擬把生涯學醉歌

詩二忠祠

學士文章懸日月尚書劍履上星辰九原松柏香臺
夜雙廟莓苔影坐春山鬼嘯歌拳薜荔海童奔走薦
芳蘋經過此地同揮淚况是江潭放逐臣

喜周木涇工部復至滇

吳門滇徼兩心期河草江梅一歲時朗月肯教玄度
共碧雲知爲惠休移好音起夜忘衰病喜氣先春廻
暖姿華頂溫泉俱舊約似留仙賞待新詩

看花出郊村店小飲

異國平居野興深花邊立馬此登臨雲林未許成歸
隱塵世惟思學醉吟若下風流新蟻綠長安春已舊
貂金芳菲遲爾來何暮葉底流鶯正好音

楊升菴文集

卷之五

五

寄文徵仲兼問訊姜夔賓

翰林供奉白頭時洗墨歸尋古劔池近得王家湖水
帖遙傳謝氏敬亭詩扇頭雲樹搖山翠障子烟花動
海漪頻過時川草堂否三游空結夢中期

賦得百花潭送人之楚

滄浪潭水照潭花無賴家家惱杜家不數潘安河內
縣堪留衛玠洛陽車晴煙翡翠蘭苔溼涼雨鴛鴦荇
藻斜五兩行穿巴峽樹百壺先泛楚江槎

廣都舟中寄謝狷齋

江波錦落寒潭清彩舟曉發芙蓉城中流帆影虹蜺
卧夾岸櫓聲鷺鷥鳴越裳白雉已入貢荒服碧雞猶
遠征祗憑一札隔歲邇未知雙劍何時并

思公子篇

三五二八艷嫦娥百萬十千酬笑歌羅帳浮雲開玉
葉鏡臺明月湛金波聞鷄曉向侯家出走馬宵從主
第過絕漠蘇卿竟誰問長沙賈傳奈君何

南溪舟中與劉承之話舊

晴江初月對佳人明燭深林慰苦辛征棹來帆成白
首鳴嘯嘯侶憶青春萬重關塞浮雲外咫尺滄浪積
水濱歌罷語闌還別去朔風寒雪倍傷神

楊升菴文集

卷之三

六

泛舟浣花東阜伯齋同賦

風簷水檻含清暉月閨夏五暑氣微山中薜荔幽人
帶池上芰荷遊子衣雙魚六馬慣識曲青蛉白鷗皆
忘機楊雄玄閣不寂莫杜甫草堂天下稀

贈永寧白參戎

貴竹新疆古蘭州分弓上將擁貔貅笙歌城郭天無
夜耒耜郊原歲有秋界首江清春洗馬海漫山翠晚
當樓銳頭勳業君家事四十登壇早拜侯

太華寺席上文似山詠郭舟屋

名文

湖勢欲浮

雙塔去山形如擁五華來之句愛其善狀景物
而惜其全篇未稱也屬余易其首尾

仙人掌上梵王臺雨霽秋清望眼開湖勢欲浮雙塔
去山形如擁五華來摩天鶴鶴窺明鏡呷浪魚龍引
渡杯金碧西南無此景爲君扶病一徘徊

寄張風泉侍御

名漢定州人

貴陽天馬遠行空元是蘭臺鮑氏駟未奉談犀恒北
望忽傳書鯉到南中龍筋舊識文成麗蟬瓜爭看定
武工誰道停雲形影隔成樓明月夢魂通

題楊補之梅

楊升菴文集

卷之三

七

逃禪老人楊補之南昌新籍西川移寂寞真稱子雲
裔清夷不爲秦檜縊前身應是孤竹子後世但識梅
花師風霜搖落千林兀玉蕊瓊蕤何太奇

補之子雲
之後字从

才不
从木

寄袁子變

名桓

半豹才名真自許元龍豪氣更誰降堂前劍客呈鷗
屏後琴姬擁鳳雙貰酒十千傾玉壑呼盧百萬倒
望月沉珠浦携手何時濯錦江

浪筆贈韓昺菴

得筆陣縮龍蛇停雲閣上紅塵

隔題竹林中翠袖斜燕寢清香盤紫霧鼠鬚玄點竄
青霞幾行隨墨千衝折何必斑超萬里沙仁編輯

嘉州江上邂逅李蟠峰天使卽事

開美文王
所贈詩

皇華原隰素絲行仙里庭闈綵服明家慶國哀同盡
節望雲就日總含情留連結桂燒相倚邂逅斑荆蓋
共傾抱病江天淹戍客煩君傳語碧鷄城

送曹侍御特信

成旅候明辭禁掖揚舲千里下蓬萊東波渺杳通南
國瓊樹風流映栢臺句曲天邊鄉信近石頭城畔暮
潮回遙憐避馬棲烏地好稱郎潛吏隱才

楊升菴文集

卷之三

八

正前二日朝天宮習儀

緋袍玉珮過長安紫府珠庭引百官一代威儀非漢
絕三成氣象是周壇城頭暝色籠輕霧樹杪新陽破
一水聞道宮衣添一線恩光請向袞龍看

晴窗雲掩日餘含
皇華原隰素絲行仙里庭闈綵服明家慶國哀同盡

嘉州江上邂逅李蟠峰天使卽事

青霞幾行隨墨千衝折何必斑超萬里沙

隔題竹林中翠袖斜燕寢清香盤紫霧鼠鬚玄點竄

升菴先生文集二十七卷

從子 有仁編輯

成都楊慎著

後學類開美女王
高安陳邦瞻重校

江陽王藩臣
內江蕭如松 全校

七言律詩

寄毛用成給事 名玉

別後追酌送別詩石頭城裏是相思
屢聞高議歸青瑣曾頌新聲滿玉墀
坐隱曾留玉質斧好奇能寄李邕
碑崇霞臺上頻南望冀北花開鴈去遲

臘八日

楊升菴文集 卷之二十七

御溝迴合咽冰泉宮樹霏微變冷烟
丑應商春才八日戌從漢臘已千年
彩毫想繼銀鬕句玉燭仍稽寶典篇
隔戶車聲流水過却疑函鼓奏村田

張云健而不瘦壯而

不怒有老杜有初唐

玉堂對菊閣試

碧梧消息委銀床黃菊芳菲對玉堂
禁苑栽培元得地仙家草木不知霜
甘泉宮裡龍銜燭太液池邊鶴借裳
東閣吟成花掖暮南端歸去彩毫香

銅罐驛

金剛灘頭寒雨歇銅罐驛前朝望通天
轉山形回合

異春添江色淺深同巴農麥隴層雲上楚客楓林返
照中水底鯉魚長尺半寄書好到錦亭東

萬縣元日

官燭光中飲頌花村鷄聲裏換年華寥寥人語水鄉
市統統鼓音山縣衙江上春風先入棹客邊元日倍
思家去程回望各千里翠壁青林寒雨斜

丙子慶成宴

兩世弟兄同此宴國恩家慶總非常春風疊鼓朝天
去曉日鳴珂滿路光周雅令儀歌愷悌漢臣諷諫托
文章虛沾需飲過三爵高仰星文詠七襄

楊升菴文集

卷之三

二

望華山

白帝真源紫界封金天削出翠芙蓉高擎零露仙人掌
俯瞰明星玉女峰陽壑春留千歲草陰岩雪蔭四
時松頻年來往塵埃裏敢向山靈問逸蹤

春齋有懷寺中同館諸君

瀛洲烟霧玉提陰華蓋星辰接翰林風動水漸環御
水月明暗雪帶仙岑上陽樹色知春近長樂鍾聲覺
夜深爲問贊公房裏客雲花貝葉對誰吟

張愈光二六
詞格兩高

步驟自然
覽之快心

送董士琦瑞州府判賦得蜀江

蜀江瑞州水名
偶與獨同

瑞州城下蜀江流風物依然似故丘
砥道靈源千里合不知仙跡幾年留
分符遠汎星槎去負弩真如畫
錦遊別後懷人更懷土煩君時一到
滄洲人外思

題畫竹

江南誰解寫琅玕後有仲昭前孟端
自從文藻流傳久轉覺丹青賞鑿難
生絹一幅瀟湘出高堂六月水
霜寒玉林深處人如玉欲往從之無
羽翰

春郊卽事

將軍獵射下南山陵麥青青雉子斑
自有良工誇左獲不勞詞客賦重環
千夫赤羽風前疾百步垂楊醉

楊升菴文集

卷之三

三

後攀薄莫古堤微雨歇拳驅仍踏落花還

贈王美中

名璋

青駘御史下丹霄
獬豸新裁瑞錦袍
階下天風吹玉樹
海邊春酒薦水桃
西山日近恩光永
南極星連執法高
應問蜀城回楫地
長江秋水靜雲濤

次張惟信留別韻

名潮

朱絃之瑟清商音爲君一奏懷鄉吟
雲烟西阻峩眉望日夜東流江水心
騷客芳馨蘭九畹仙人掖垣梧
十尋酒闌曲終車轍遠秋色不如離思深

送杜汝弼之官景陵時有水患

竟陵南去楚江深。雲夢西連夏澤陰。息壤萬家經歲
潦。洪波千頃寄秋霖。青楓曉失啼猿樹。斑竹昏移宿
鳥林。粒食更須愁衆口。簿曹何以荅羣心。

溫民懷宮諭許於浣別墅相招恐失佳約作此

戲簡

春來無伴訪烟霞。忽憶仙人在浣花。棋局幾時隨澗
竹。釣舡何處倚江沙。興憐隱浪金壺仄。醉想臨風玉
樹斜。舊日草堂君地主。還須折簡到山家。

雨中劉潤之僉憲見訪

名成德

鳴雨虛堂六月秋。高軒空谷遠相求。佳期每憶同星

楊升菴文集

卷之三

四

聚良會。須爲秉燭遊。風磴雲端回白日。水花烟葉亂
滄洲。莫辭信宿陪孤賞。更與江天散獨愁。

見梅花

一辭青鎖滄江卧。山城三見梅花破。正愛家家臨水
開。還愁赫赫和烟墮。清樽欲醉不成歡。雪調空歌誰
與和。小院迴廊日又斜。高樓短笛風前過。

碧筒杯次余懋昭韻

月戶星楹敞夜燈。荷筒桑落共淹仍。傾來細瀉珠盤
顆。摘去愁空翠蓋層。消渴涼生金掌露。迎風寒瑩玉
壺水。三更促席歸何晚。百罰深盃謝不能。

送唐守之使朝鮮

名曰早敷人

玉馬朝周封壤舊青雲
千呂瑞圖來鳳皇樓上星辰
動鴨綠江邊霧雨開
王會千年輝簡竹
皇恩萬里賁
蒿萊張騫謾作尋源使
陸賈虛當絕國才

送彭幸菴尚書致仕

二首

名曰

司馬英名起弁髦
元龍湖海信人豪
洪源紫塞黃河
遠爽氣金天華嶽高
裴度歸來惟縱酒
庶頗老去自遺橐
林居紫焰光騰夜
含景蒼精有賜刀

又

明

公家食時書座右云出必如孔明處必如淵

憶昔西征歌采薇
雪山萬里駐驂騑
總戎全蜀風雲

楊升菴文集

卷之三

五

陣紀績成周日月旂
諸葛蔓菁遺壁壘
陶潛松菊舊柴扉
前賢出處真相似
雅志如公兩不違

懷歸

星橋南望沉犀渚
雪嶺西連抱珥河
關塞渺茫魂夢隔
山川迢遞別離多
汀洲春雨塞芳杜
茅屋秋風帶女蘿
心事未從詹尹卜
生涯聊聽夔童歌

憶沐九華兄弟

難忘易識是君家
爲愛君家好棣華
玄圃春遊花繫馬
白門宵醉柳藏鴉
停雲遠樹交嵐翠
落月空梁印海沙
關塞各天勞斂夢
萍逢何處定鴛鴦

讀江門驛景川侯曹公開河碑

曹名震

將軍玉劍虜塵清餘力還能水土平象馬邊隅通貢道蛟龍窟宅奠夷庚史家底事遺經略郡乘何曾紀姓名賴有琳瑯播金薤可無蘋藻薦芳馨

百福寺夜宿

千仞峰頭佛日晴雲端忽見兩僧迎篝燈冥坐曇華結汲水煎茶雪浪生翠竹黃花同入偈蛟龍丘蚓雜題名石房夜冷難成寐惱殺荒鷄不肯鳴

留別劉珥江

名大昂

東波南浦送輕航怊悵芳春發故鄉泛宅浮家沙鳥

楊升菴文集

卷之三

六

外銷魂迴首石犀傍垂垂楊柳人千里漠漠蕪葭水一方更喜欲來相慰藉鞏音何日到江陽

吊孟拾遺

駱谷鸞輿再播移橫流滄海廣明時刑餘周召田中令地下逢干孟拾遺赤水探珠迷象罔青霄蝕月任蒼頡懷沙沉石何曾問帳殿毬官總不知

中巖留別余方池草池兄弟

又別中巖二十春禪枝忍草幾昏晨三生水月淹留地萬里江山感慨身楚澤羈纍吟北渚謝家兄弟餞南津酣杯且喜朱顏在覽鏡休驚白髮新

過南溪懷二劉參之承之兄弟

京國交遊四十春，劉家兄弟最情親。
風流雲散三生夢，水逝山藏一聚塵。
沙步維舟催解纜，隣村聞笛倍沾巾。
可憐烟草江安樹，愁見當年送別津。

寄李芝山初岡二李國相

玄韵仙飈舞，柅松新詩清水出。
芙蓉丹梯不唾青城，地彩筆曾干紫閣峰。
濯錦江波舟汎汎，敷花樓閣樹

重重舊遊回首，金沙寺幾度衣冠起暮鍾。

舞又作灑，宋玉風舞。

于松栢之舞字似切淮南子猶條風之時灑則灑字亦可用不知孰爲勝○巨松見山海經

孟秋北岩招提卽事

楊升菴文集

卷之五

七

秋江芙蓉開，且鮮紅粧碧水間。
明燭可憐丈室散花地，便是三管空侯天。
慈雲演梵香冪阜，涼雨催詩珠跳舩。
醉鄉不見二豪至，蘇門竟成孤嘯還。

甲寅新正六日送簡西巒登舟

金蘭意氣昔論文，燕坐朝霜竟夕曛。
千里驅馳來夔道，十年羈旅共滇雲。
交遊落落晨星散，蹤跡悠悠水國分。
江北江南從此隔，何時何地再逢君。

贈趙大洲太史

貞吉

起鳳才華錦水頭，鳴鑿仙步上瀛洲。
文傳莊叔袞雲集，賦奏金卿花萼樓。
何國白環曾入貢，至今青海未

全收廟堂終用平戎策未許栖遲老一丘

懷劉東阜謝翁齋

百福寺壁見二公詩

謝劉生死論交地巴蜀山川迢遞程萬古雲霄森意氣五兵詞賦莽縱橫虞江精舍浮雲隔汴水孤墳宿草生濯錦浣花遊眺地悲泉斜日下層城

同香二月二十八日與諸弟出野觀社笋輿穿窄徑
神籤日中乃得平路小憇大梵寺

滴堦零雨坐深更天爲遊人放曉晴松蓋擎雲村徑暗秧針刺水野田明菁葱俏倩憐春晚詰屈崎嶇覺路生正憇懶蟬勾午睡蒲牢喜聽遠鍾鳴

楊升菴文集

卷之三

八

四月十一日喜雨東妹丈劉珥江周五津

五津能詩

善畫

舟膠水淺似坳堂忽爾宵殘雨送涼原色未湏歌滌滌難聲最喜聽浪浪望中笑電生矯矢夢裡雷車借阿香便注仙瓢傾馬背盡回焦土作金穰

又

南浦新聲喜雨篇不須艷曲唱嬋娟惠連池草偕靈運杜甫簷花對鄭虔已見清風生羽扇更聞流水入琴絃密雲籠茗勞珍艷好試東城解玉泉

姚鳳岡荔枝

栢府薰風荔子丹
雕盤持贈下臺端
絳紗囊裡冰肌滑
火齊枝頭水玉寒
羅帕分珍慙逐客
驛塵飛鞚憶長安
瓊瑤欲報才應盡
獨立蒼茫倚曲闌

綠竹亭爲李前渠賦 二首

高人愛竹真成癖
萬竹亭前竹萬竿
風伯倚聲添颯爽
月娥分影映檀欒
掃天綠粉晴猶溼
拂地清霜暑亦寒
莫遣兒童摧錦籜
成巢結實待栖鸞

又

綠竹亭前竹萬枝
興來刻竹醉題詩
裁成龍笛青瑤管
斫就魚竿綠玉池
嘯詠宵分闕鼓吹
平安日報偃

楊升菴文集 卷之三十一

九

旌旗風流何羨揚州鶴
紫脫蒼筤別有奇

次姚鳳岡

名楮

玉蟾寺韻約曾少岷 名璵 章后

齊 名熱 同遊

玉蟾寺在翠微間
蒼筤林中萬竹斑
人境由來非物外
吾鄉元不是他山
何須老衲雙飛錫
願共詩人一扣關
颯金風乘興去
團團寶月伴君還

升菴先生文集二十八卷

從子 有仁編輯

成都楊慎著

後學趙開美校正
高安陳邦瞻重校

江陽王藩臣
內江蕭如松 全校

七言律詩

翠微僧寺古梅

古幹盤龍鶴膝丫眠江似泛斗牛槎風酸寒凜香仍
馥雪虐霜凌蓋自花冷面不為靈瓊艷鐵心寧受廣
平誇維摩一室空千偈坐對雙林寶月斜

曾少岷惠忠州新琢雲根筆

楊升菴文集

卷之二十八

忠州井邑聚雲根筠管千年駁蘚痕好伴輪囷接卿

靄不同湓勒暗蠻村高標自表嚴顏節文藻堪招陸

贄魂西蜀鍾竒難韞積南豐新詠重瑤琨

登丹稜縣白塔寺塔與呂半川同賦

窳堵岩崿出半空蔚藍天界接剛風魚鳧疆域遙瞻

外龍鵠山川近覽中乍似潜虬穿坎窞俄驚飛鳥出

樊籠登高勝侶賦 祝樓閣烟花紫翠重

嘉州劉介川進士毋壽詩

阿母瑤池翠水淳生兒共道得寧馨金仙元住岷峨

國寶姿遙連奎壁星蓋榜已看秋桂綠蘭臺行校夜

蘇青三江化作長春酒戲綵恒斟愛日亭

喜雨

高閣憑闌暑氣沉
寒山銀竹映森森
雲從太華仙人掌
風入蘭臺宋玉襟
霖雨不關胥靡夢
荷鋤聊慰老農心
木桃投贈須君和
醴醕浮香喜自斟

南宮病中秋懷

八首

八月江陽暑未休
赫羲朱袂迥添愁
西岷秋老金猶伏
南詔星回火不流
霜信幾時來
避鴈兩聲終日望
鳴鳩似憐宋玉荷
稠怨故遣班姬團扇留

又

楊升菴文集

卷之二十八

二

尹氏遺蹤百尺臺
招呼不見子歸來
可憐文武爲邦憲
却泥嬋娟養禍胎
鳴牝掇蜂終古恨
衣苔帶藻至今哀
悠悠往事嗟何及
浩浩東波去不回

八日又

南定樓前碧草春
荔枝林下少埃塵
三瀘名號訛千古
二水沱嵒會兩津
青箬海商舩舫集
紅粧營妓管絃新
多情莫悔登臨數
良夜何妨秉燭頻

高閣又

九絲城寨控諸蠻
舊是鴉飛不到山
深菁篲笏何太毒
橫江烽燧不曾閒
蘿桐列峭誰傳箭
高琪孤城只

閉關安得班超投筆起戎州暫得破愁顏

又

江郭西偏寂不喧卜居草草結樞軒
蓋珠樓接芸香閣紫洞天環薜荔垣
書載洛中三十乘經傳柱下五千言
寬閑謝客緣貧病懶散從吾養性源

又

苕蕩城西百尺樓登茲銷暑亦銷憂
江山平遠難爲盡雲物高寒易得秋
吉甫清風來玉麈涪翁妙墨換銀鈎
餘甘渡口斜陽外靄迺漁歌雜棹謳

又

楊升菴文集

卷之二十八

三

湘纍憔悴滯江潭禪伯逍遙老梵龕
松下圍棋閑屨二花前度曲引杯三
不愁痼疾嬰雙豎爲喜良醫得

二梅

任彭二醫皆名梅

采藥名山吾願畢白頭久矣謝朝簪

尾句又作更借新涼供穩睡西風昨夜鴈聲南

又

炎荒避地廿年過杞國憂天奈爾何
雜種犬羊紛北虜妖氛牛斗更南倭
浮雲江漢愁心結新月關山涕淚多
身佩安危有諸老舌們孤孽且長歌

毛伯玉點易洞

淨林蕭寺北山隅曾是精廬隱昔儒
書帶草生移鉅

野篆文江繞接巴渝吟詩雲合峰頭碧點易霞留洞
口朱何日放舟偕麗澤紅泉石蹬足斟斟
次韻章后齋爲余壽

香界諸天寶鏡開玻璃江色入瓶罍方舟南浦成佳
會飛蓋西園遊上才明月臨時仙客醉碧雲合處美
人來已甘投老二三徑仰荷承平兩兩台

携酒探梅

滇海南雲老歲華世年不見故園花吟邊索笑驚春
晚夢裡尋香覺路賒凍夜明蟾清影瘦搏風么鳳綠
毛斜興來是處堪携酒徑造何須問王家

楊升菴文集

卷之二十八

四

喜任蒼岩至招之飲

梅

還家不落新春後征棹先逢舊雨前繡被喚回巫峽
夢錦囊賸有蜀江篇垂垂梅蕊猶凝雪濯濯楊枝欲
吐烟好是玉盤傳菜日共酣金醴媚椒天

入來寄李心山侍御

扁舟暮倚荻花叢燈影皤然照一翁明月此時千里
隔清吟昨夜一樽同人生南北真岐路客計飄飄是
轉蓬隴驛寄梅曾到否年光又逐斗杓東

釣魚城王張二忠臣詞

釣魚城下江水清荒烟古壘氣猶生睢陽百戰有健

將墨翟九守無降兵犀舟曾揮白羽扇雄劍幾斷曼
胡纓西湖日夜尚歌舞只待崖山航海行

聽歌

彩雲天外駐行盃明月樓前引上才紅頰綻時銀燭

爛翠眉低處玉山頽飄飄俠客遊燕市窈窕仙娥下

楚臺千載王郎風韻在倩君重唱夕陽開

唐入入樂府名相府蓮訛爲想夫麟白樂天云秦
川一半夕陽開此句尤妙

千尺送道士何端陽往武當

簾嶺之峰丹翠含金膏水碧孕重岩磨蟻遊人陟風

磴騖鸞僊侶坐水嵌三霄寶月懸青嶺千歲玄霜下

楊升菴文集

卷之二十八

紫杉此去暫離應萬里鶴書何日寄遙緘

浮橋

千尺長虹臥錦波懸撞度索笑牂牁玉環金鎖隨開

闔木客鮫人雜嘯歌漫道鼉鼉梁碧海虛傳烏鵲架

銀河堪憐來往驚鴻影步步塵香襯襪羅

送何柏村元戎

名卿

牛斗妖氛指日平暫勞鵠印掛東征捷書行奏長楊

殿軍令先傳細柳營冀北貔貅曾控御山西將帥半

牙兵功成歸隱青城曲社酒寒燈好結盟

水涇周公哀集鄙詩刻之作此以謝

漫興詩成敬逸多玉人彩筆爲編摩四愁平子饒情
興五噫梁鴻發嘯歌羽獵長楊違侍從碧鷄金馬飽
經過彫蟲小技嗟吾老谷鳥嚶鳴奈若何

月梧大司寇喻公壽詩

茂堅

庚申山中宰

丁卯同年七十人回頭五十正嘉春沉沉海屋添籌
筭耿耿長庚映昊旻已見錦堂稱壽俊况兼青史傳
名臣千峰不隔南飛鶴一盞遙飛賀誕辰

詠風扇寄珥江

飈輪木羽引涼多金伏朱炎奈爾何姑射冰姿堪作
對山陰雪興可能過婆娑影裏懷瓊樹蹀躞聲中想

楊升菴文集

卷之二十八

六

玉珂便擬千觴河朔飲仍聽一曲洞仙歌

送韓尺菴應廕上北

述甫

采蘭贈弟弟如金珍重金蘭只此心屈子秉芳留佩
鞅左思招隱間重襟驪駒北上瞻高步虎節西歸聽
好音奕世聞詩齊魯並豈惟韜畧似淮陰

夏松泉太宰壽

庚申五十五歲春

赤鳥歸來鬢未星紫垣光燄照涪陵山中宰相無塵
事河上僊翁有道經春色又驚梅葉白薰風幾換荔
枝青停雲問月多篇詠何日滄浪一共聽

觀平吳錄

庚申胡運卜終馬斗野驚看伏豔懸九四由來真海
孽萬三未必是天錢可憐槎史嬰龍日又見胥臺走
鹿年管樂誰將饒介許孟兼遺恨醉樵篇

詠霧淞

有序

甲寅歲秋冬久雨連月十一月廿六日甲子
曉籠霧微淞蓋晴兆也俗諺云霜淞行霧淞
貧兒備飯瓮往歲在北方寒夜水華著樹若
絮日出飄滿庭階尤爲可愛曾南豐詩云園
林日出淨無風霧淞花開樹樹同記得集英
深殿裏舞人齊種玉瓏鬆又曰香鋪一榻覆
綸暖月映十門霧淞寒韵書謂之凍洛洛音
索水著樹如索也

惟得天鷄誤曉光青腰玉女試銀粧瓊敷綴葉齊如
剪瑞樹開花冷不香月白詎迷三里霧雲黃先兆萬

楊升庵文集

卷之二十八

七

家箱貧兒飯瓮歌聲好六出何湏賀謝莊

招張愈光

癸亥歲時十六附此

容易年光斗柄東蕭條客舍酒樽空雪消已減乘舟
興寒重翻添閉戶功古道塵埃多去馬故人書信少
來鴻新豐逆旅知無伴何惜西齋一笑同

夜宿玉池

投轄多情信宿留長河未曙夜悠悠池停蛙鼓雨初
霽窻靜蚊雷風乍秋尋壑經丘殊窈窕詠一舉白更
風流名園已到終嫌晚還擬山陰雪夜舟

百梅亭

綠萼紅跗映碧瀧山香水調換新腔翰林風月三千
首樂府鴛鴦七十雙陳閣臨春森玉樹漢宮不夜爛
金釭梨雲梨雪都成夢桃葉桃根枉渡江

次韻陳玉泉見過

鳳

新詩清水出芙蓉南國才人陸士龍老去衡門饒寂
闕病來塵榻愧過從湯湯流水琴中思種種繁霜鏡
裏容良會蹉跎時迅速朱炎忽已變條融

贈郭雲屏閩帥

郭承天人

將軍出征向西川萬里從龍下日邊雪嶺雲開瞻突
兀錦江風定泛漪漣世家舊說金臺事樂府新傳寶

楊升菴文集

卷之二十八

八

劍篇旌節花明營柳細微還扈蹕侍甘泉

書扇贈薛曲泉二守

治

大賢爲政卽多聞杜老曾云我亦云千里清風傳穆
頌兩江流水漾漪文亭雲遠樹傷遲暮對日高樓悵
夜分葵扇揮毫酬雅意棠陰回首惜離羣

夏五亢旱彌旬曲泉薛公精禋露禱霖雨應辰
農望旣欣道喝亦起詩以志喜

漫擬休埤戲廣川土龍泥鶴盡成捐風雲忽送三更
兩庭院如鳴百道泉雲漢于今無旱魃甫田自古有
豐年吾廬坐愛涼如洗好續蘭臺賦颯然

訓周生贈扇上刻詩韻 周名宗堯

統素裁成寶月光卷舒懷袖動宮商老來却厭丹青
手興到還登翰墨場坡老高吟三十韻右軍細扎百
千行光風薜若人雙玉明日蒹葭水一方 周生自長壽來省余

韓炅菴同會周與韓皆余中表懿親也

五月樓居雨涼欣賦

快雨崇朝溽暑徂頓令注夏病全蘇恍疑方丈清虛
島似對瀟湘水墨圖曲沼青氈喧鼓吹高齋白鳥淨
軒厨冷然風御何須美塔爾涼襟且據梧

贈薛生季德 名量府二守曲阜之子

楊升菴文集 卷之二十八

九

先花庭下見斑衣年少清才世所稀三鳳舊聞鳴葦
葦季騶今復景駢駢邠林丹桂開華省唐苑細桃近
瑣闥琢玉慙予非哲匠泥金遲爾到漁磯

次韻章后齋

漫嘲阿昶誤金根聊效王家點黥痕老嫗重尋葢山
寺道士頻過曇礮村黃庭鷓鴣籠歸翼赤管猩猩返
醉覓洛浦煩君翻舊賦驚鴻寧畏毳如瓊 紫房之會
齊約為洛浦之遊。曇礮村山陰道士所居見文
房四譜。葢山寺王右軍為老嫗書扇處也

升菴先生文集二十八卷

09669

